

四庫全書

史部

欽定四庫全書

史部

浙江通志卷二百十三

詳校官給事中臣戴璐

檢討臣德生覆勘

總校官編修臣倉聖脉

校對官中書臣石鴻翥

謄錄監生臣朱續曾

欽定四庫全書

浙江通志卷二百十三

列女

金華府

金華縣

宋

葉紹彭妻王氏

嘉靖金華縣志王師愈之女嘗從父宦遊南北人謂必小其夫家至則敬

事其姑時出簪珥以經紀其調度而逸其夫以學夫死治喪葬終制與疾歸母家親故聞其賢行有

願以繼室請者皆謝絕之一女生於夫死之六月至是復不育哭之過哀疾寢以革屏醫却藥曰吾

生固無累未若死之無累也
區處後事沐浴更衣而逝

陳氏三節

嘉靖浙江通志唐氏金華人適進士陳昌朝生子沂而昌朝卒寡居三十餘年沂娶

汪氏生子韓而沂卒寡居四十餘年韓娶倪氏生子元紹而韓亦早卒寡居五十六年金華貞節首稱北園陳氏詳見金履祥文集

胡氏女

嘉靖金華縣志既嫁而夫不良父母欲更其偶不許白於令令進而問之女曰理無二夫

令義而歸之父母怒從夫三日赴蓮花井而死王魯齋為賦列井詩四章

元

吳墳妻宋氏

嘉靖金華縣志名嗣徽年二十八夫亡二子皆幼舅姑繼歿罄資治殮未葬

鄰火將延及氏倉卒不能舉乃攜諸孤拊柩哀泣誓與俱化火遂滅年八十餘至順中旌表

吳履妻謝氏

王禕謝節婦墓表名徽金華人歸同邑吳履歲已亥明兵下建德勢且東氏語

履曰亂將及矣盍為走避計先事弗圖後悔何及履猶豫不決未幾蘭谿破亂兵四出剽掠而履適他往氏攜男女走入金華山中途失其幼男兵且至自度不得免行至向塢巖險處以幼女投巖下身繼之而死死十餘日履物色求之得其尸叢棘中面猶如生遂葬向嶺

賈明善妻宋氏

宋源宋烈婦傳名嬰字新金華潛溪人歸烏傷賈明善越一年與夫來居

潛溪歲戊戌十月西兵擣蘭谿遠近大震婦同夫避入浦陽城實山中未幾鄉民踴聚倡亂殺人如

刈草管婦亡匿灌莽中為游卒所執乃抽銀條脫求解不聽將亂之婦以計結曰吾有珠貝昨夕墜山前坎中爾無急我急我我將死於爾何利不若導爾發之卒悅其言從之行至深淵側覓躍入死明

章時盛妻吳氏

萬厯金華府志歸章甫八月而夫亡撫遺腹子亦亡父母憐之令再嫁氏

毀容以死自誓養其親姪繼夫後獨居紡績竭力事姑家貧甚始終一心孀居五十餘年

宋氏

金華府志夫為閬州守被誣死獄中氏與其姑及子皆編成金齒子死途中氏奉姑以行其題

郵亭壁歌楊慎刻於詩抄中惜其夫姓名不傳詩中有云今朝玉堂宋學士亦與妾家同一譜又云妾心汪汪淡如水寧受飢寒不受恥幾回欲葬江魚腹姑存未敢先求死前途姑身少康健辛苦奉

姑終不怨姑亡妾亦隨姑亡地下何慙見夫面名山藏使者以詩聞太祖釋之以閩守之祿養其姑

錢江妻孔氏

嘉靖金華縣志年二十八守節保孤志行貞潔天順四年旌

樓琦妻江氏

嘉靖金華縣志年二十五夫亡守節奉舅姑不懈成化二年旌

袁堅妻方氏

兩浙名賢錄堅卒殯於城北濠上氏貧無依乃即殯所開棺寢處其中久之不

出死郡守劉蒞封土為墓而禮祭之

馮珏妻王氏

萬厯金華縣志生子永甫十月而夫卒父母憐其少令更嫁氏剪髮毀容誓死

不從寡居四十

六年詔旌其門

謹按萬厯府志亦作珏而舊

浙江通志作馮班今改正

胡士言妻尹氏

金華縣志孝姑相夫家譽夙著夫死理喪完制一日忽自縊死

戴貞妹

舊浙江通志戴嘉茂女幼許王畿華未歸畿華患痘卒貞妹自備麻服跪告父母往弔奠

立誓終身不醮翁姑屢勸改配次子貞妹悲泣不從及選吉將成婚自刎死知縣龍遇奇到門祭奠

申院題請建坊

謹按近刻王魯齋集附載戴貞妹前後二傳其前傳胡頌所撰序貞妹聞訃引刃絕脰創寸許幸咽未絕以生雞皮冒之而愈王氏姑遂迎之歸其後傳胡麒生撰言貞妹守志五年亦以痘死與舊通志所載絕不相符但歷考府縣志所載俱同通志應是實錄或王氏後裔欲隱其事故托二傳以自欺諱

陳所思妻戴氏

舊浙江通志戴貞妹之女弟避兵售溪山兵馬抵郡全家被執戴於袖中

出利剪刺喉而死其將義之遂釋其夫與子

王忤妻陳氏

舊浙江通志從夫避兵南山遇兵大小奔散止攜七歲孤姪乞放之還家以存祖祀

之曰王門宗祀全賴孤姪乞放之還家以存祖祀吾當侍巾櫛耳兵信其言放孤姪氏即赴水死後夫尋屍衣帶重結腰繫其夫平日所用詩箋為記顏色如生時年甫二十

嚴寅華妻黃氏

金華縣志避難西溪兵至被執顧謂其夫曰善撫幼子以存嚴氏吾從此

訣矣即赴深潭而死及買棺歸葬已越半月顏色如生

鄭德紹妻俞氏

金華縣志明李兵變拒卒全身觸崖而死

李氏三節

舊浙江通志李汜水妻黃氏城破被執與媳潘氏齊觸堦死次媳陳氏亦自縊

馮仲妻貝氏

莊道中妻邵氏

姜良策妻陳氏

曹一賞妻祝氏

章俊民妾周氏

何烜妻滕氏

曹茂柱妻張氏

黃明時母姜氏

戚之騏妻陳氏

余大榮妻俞氏

陳九華妻許氏

尹憲吉妻鄭氏

張士宏妻裴氏

國朝

葉氏爾烈

題旌冊義烏葉尚坦女許字金華張士統子孫瑤未婚孫瑤卒氏聞訃號哭欲親往

拜奠不能止父與俱往盛飾來與入門拜翁姑堂
下即詣夫靈泣奠畢求空房少憩入則閉門移時
令小鬟捧出一盒傳語送還父母啟之則珠璣翠
羽采衣繡襦弓鞋趾帶并髻髮也尚坦驚愕入視
則髧頭跣足披麻束草矣尚坦相持慟哭慮有他
變遣輿迎其母守之夜半母就寢解帶自經母覺
救解越日欲親至夫墓阻之不得父母舅姑偕往
氏莫畢即觸墓石暈絕救之蘇抱歸自是家人環
守不得間時值中秋乃佯為怡色備杯勺慰母母
喜防少懈至夜分氏破磁鋒刺頸未殊血流床褥
間衆驚起敷以藥從此滴水不進臨歿呼母曰兒
去矣含笑而逝時康熙二十四年月日也明年具
奉題

旨建坊旌表

葉純妻姜氏

題旌冊年十八歸純生三子二十五而寡先是舅姑早逝樞殯於室至是夫亡

氏泣血三載不離棺側勤苦節儉始得舉三喪葬之子長俱為之娶婦生孫矣而長次二子又相繼

亡二媳亦誓無他志同姑晝夜績紡不出

戶姜守節三十六年雍正五年具題奉

旨建坊旌表

席上珍妻徐氏

題旌冊年十六而嫁閱歲而寡子甫生三月家貧人難其守氏誓死無二

卒能撫孤成立苦節三十九年

劉子均妻吳氏

題旌冊年二十一而寡子甫襁褓舅姑老氏矢節無玷孝事堂上得其懽

心子亦成立守

節三十八年

金德信妻吳氏

題旌冊二十九而寡遺子五齡刻苦訓以讀父書守節四十三年以上

三氏俱雍正六年具題奉

旨建坊旌表

曹元宇妻黃氏

題旌冊年二十八夫亡二子俱幼家貧甚往依母家撫孤孤長始挈歸而

婚配焉守節二十五年雍正七年具題奉

旨建坊旌表

曹應麟妻黃氏

題旌冊年十八歸應麟閱三載應麟卒遺娠五月生一男孝事舅姑生養

死葬俱中禮子長娶媳生孫而子與媳

又矢氏復撫孫成立守節四十四年

蔣世祥妻曹氏

題旌冊年十七適世祥二十而寡遺娠八月生男姑在堂氏事之甚孝孤

長有足疾不良於行氏健

持門戶守節三十九年

姚弘佐妻王氏

題旌冊年十八而嫁嫁十年而寡遺孤二鞠之長俱為娶婦長子又夭氏

撫媳守志一切家事隻身經營百苦備嘗守節三
十年年五十八卒 以上三氏俱雍正九年具題

奉

旨建坊旌表

嚴祖旻妻俞氏

題旌冊年二十八而寡二子皆夭事舅姑盡孝守節二十九年雍正十一

年具題奉

旨建坊旌表

嚴仲春妻王氏

金華縣志年未二十方國安敗兵挾之上馬氏躍馬投塘而死

倪星焜妻朱氏

金華縣志遇兵夫妻離散懼不能自全乃縊而死又徐氏倪明廷妻觸巖

死方氏朱廷翼妻奪刀自殺章氏索大機妻投塘死邵氏黃啟賢妻亦不辱死

朱應時妻賈氏

舊浙江通志二十二歲夫亡遺孤良啟家貧苦守舅以哭子表明氏割股

療之目漸愈洎歿竭力治殮適

鄰大將廷氏撫柩號泣火隨滅

張廷梧妻盛氏

金華府志通張一載夫亡懷孕三月產一男矢志貞守事公姑克盡孝敬

撫孤子訓以詩書媳亡又撫其遺孫院使給獎賜粟帛又盛氏金應聘妻年未二十而寡守節終身

壽至百歲

李氏二節

金華府志王氏李時瑞妻瑞卒氏年二十之死靡他瑞弟時珍繼卒其妻陳氏年十

八偕其姒並勵冰霜奉姑以孝知府表其門曰雙節

黃氏二節

金華府志錢氏黃良棟妻夫病卒氏年未二十立誓守節子茂榮又早喪媳朱氏年

甫及笄姑媳相依不
憚貧苦共相矢志

申可賢妻沈氏

金華縣志可賢早歿氏家貧苦守康
熙十五年山賊至鄉焚掠執氏歸巢

氏勵聲大罵賊
所為三段而死

傅福妻周氏

金華府志福死氏年二十五二子襁褓
一子在娠父母勸其更適號泣拒之逼

之至再遂自縊姑救得蘇纖緋奉
舅姑家法肅然守節七十餘卒

李景啟妻余氏

金華縣志年未二十景啟歿僅遺一
子鼎寅氏撫長娶媳吳氏而鼎寅又

亡姑媳筑筑
一門雙節

陳所忤妻鄭氏

金華縣志年二十生一子夫歿矢志
撫孤守節五十餘年陳之埒妻俞氏

卽氏之姪媳也甫生一子之煒卒俞事姑訓子苦節五十餘年與鄭共居一門先後同揆

曹三槐妻朱氏

金華縣志年二十一夫亡善事舅姑苦節六十五年撫育四世又金汝元

妻王氏年二十一夫亡家貧無以餬口有勸之更適者曰我守節耳餓死何害竟以節終

徐氏二節

金華縣志徐有環妻邵氏孀節清嚴生子應和娶媳王氏應和卒王氏守貞不渝事

姑訓子節孝兩全克稱繼美

黃家瑤妻仇氏

金華縣志夫亡服闋撞死墓側

余大榮妻俞氏

葉禮妻俞氏

馮光煒妻王氏

馮夢寶妻吳氏

葉應時妻李氏

尹培妻于氏

倪超妻陳氏

吳應韜妻姜氏

尹任聘母張氏

李維奇妻梁氏

朱三儀妻曹氏

王希文妻馮氏

胡宗訓妻龔氏

陳啟元妻王氏

吳效曾妻金氏

胡惟明妻葉氏

葉士讓妻黃氏

翁應獵妻徐氏

何應朱妻申氏

倪世揚妻樓氏

倪夢麟妻潘氏

俞廷詠妻葉氏

葉士睿妻黃氏

倪師輅妻章氏

吳應廷妻李氏

陳世安妻倪氏

黃道英妻朱氏

嚴文富妻葛氏

嚴文秋妻張氏

曹之焜妻黃氏

倪師萬妻裴氏

方城妻陳氏

王承鼎妻江氏

倪光第妻徐氏

方元屏妻范氏

邵一澄妻邢氏

何如岳妻陳氏

章起榮妻施氏

葉璋妻王氏

蘭谿縣

宋

金天錫妻唐氏

金履祥家狀金氏始出三衢徙蘭谿天錫早歿唐氏少寡喜讀書清苦守

家課子孫尤嚴切
詩書之緒遂以振

劉似之妻徐氏

柳貫劉節婦傳字柔嘉蘭谿人生一十七年歸金華劉似之閱再期孕而

未育似之遺疾死及產男婦惡笄疏服常如初喪
字其子潛自始學至成人為之聘舅女生二子一
女而潛年二十六亦卒姑婦死守
一燈夜績臥起相依攻苦彌厲

徐叔貞妻唐氏

正德蘭谿縣志名淑芳年二十而寡
貌妍無子父母欲奪其志以刀斷髮

破面為信秉節終身有
司以聞旌其門曰純節

趙時堯妻徐氏

宋濂趙節婦傳畧名定瑞蘭溪人年
及笄歸金華趙時堯時堯父亦娶於

徐即婦姑也無子生二女時堯以再從子為其後
二女以非已同出不相寧婦相夫順受之母子以
和時堯卒節婦年甫三十誓不再適養其
姑終身撫弱子至於成人復三十年乃卒

元

陳 嫈

正德蘭谿縣志宋行軍司馬自中女元司徒萍姊也宋亡嫈及兄弟與母楊夫人相失後萍貴

尋訪其母不獲嫈在家孝思尤切斷髮誓不嫁嫈指為香以禱十指僅存其四既而傳聞母在順州某家萍以金幣名馬請勿得乃聞於朝為降旨迎母以歸嫈與兄芹適自南來遂奉還蘭谿服勤奉養終身為比丘尼歐陽元云陳氏女灼頂累百燃指凡六顙於神明卒遂其願

方仲剛妻吳氏

兩浙名賢錄名畢元季兵亂與其夫避亂離家西行一里許聞鼓譟聲足

弱弗能步度不可免乃謂夫曰君宜自脫勿以妾為累夫曰子將若何曰妾義不受辱唯有死耳夫號泣捨去既而遊兵四集將追及適道旁有梅塘水潔且深遂投以死越數日兵去夫踪跡其處見屍橫池面遂舉葬焉

章楓山慙有烈婦序

祝漢卿妻金氏

萬厯蘭谿縣志至正間寇起氏隨夫攜子避之淮灘依女弟何止善家盜

經其地氏被劫去自度不能脫因給盜作願行狀不數步候盜防少懈即投入湖羣盜忿而刺之身

被數十槍而死

郭浩卿妻王氏

萬厯蘭谿縣志遭兵亂被掠將迫以兵往氏誑之曰吾且飯飯畢從爾去兵

信之提甕出若將甕然遂投沼死見吳沈郭處士志

明

王祥妻鄭氏

萬厯金華府志蘭谿鄭升女年十七歸祥祥病革語之曰吾家貧若將何恃以

存宜及時自擇對曰與君為夫婦一紀猶不知我心君如不諱苟有他志夫豈不食其餘時子瑤甫

十一歲紡績自給而瑤優於學卒以成立
明取金華之明年旌表其門而復其家

潘佛正妻范氏

萬厯金華府志歸七年而夫卒姑及其母哀氏少而無子欲改嫁之氏曰

烈女不更二夫撫其姪喜
為嗣守節以終洪武年旌

徐永滑妻趙氏

正德蘭谿縣志名妙貞六安州人永滑卒於官時年二十有四其父來視

見其姑老子幼且年少家貧恐難自立欲令就彼
葬夫同歸父家趙泣不從扶老攜幼以歸畢夫喪
葬紡績養姑姑有疾連旦不寐姑死喪葬
如禮子必傑克自樹立成化年旌其孝節

祝善禎妻馮氏

正德蘭谿縣志生子彌月善禎客死
兄善初利其遺產百計逼馮易志甚

至欲殺其孤而馮志
益堅卒護其子成立

章統妻王氏

正德蘭谿縣志生男恕數歲而夫卒時年二十五勵志守節事姑劉氏曲盡孝

養時有利其遺產而欲殺其孤者氏中夜戒婢持杖遶舍而行寄之外家得免及長誨育成立孀居

四十餘年

謹按舊浙江通

志作章純妻

胡昂妻汪氏

正德蘭谿縣志嫁未幾而昂亡家甚貧誓不更嫁昂弟昉貪鄙時加逼挾不聽

乃私受人財物而許嫁之及與夫昇輜至氏心覺更飾易服若願嫁狀眾方喜飲不顧因從便門趨出溺萬安橋下家人索之不得踪跡至橋畔沙磧中見雙履在入水求之而尸已僵矣

章孝女

明列女傳名銀兒幼喪父獨與母居邑多火災室盡燬結茅以棲母方疾鄰居又火銀兒

出視衆呼令疾避銀兒曰母病不能動何可獨避
亟返入廬欲扶母出烈焰忽覆其廬衆莫能救火
光中遙見銀兒抱其母宛轉
同焚死時弘治元年三月也

方良規妻章氏

唐龍方節母述年二十適良規二十
六良規亡遺子鉅方六歲族之長強

令改適氏曰夫子之天也乃欲子背乎孤鉅予之
嗣也乃欲子棄乎背夫滅義棄嗣安忍乃毀容髻
髮終其身年八十有司聞
於朝表厥宅里以嘉其節

王瓘妻柳氏

兩浙名賢錄年十七歸瓘瓘已病亟與
柳訣曰汝年少我死當別嫁柳泣以死

瓘對瓘死殮畢欲投於棺及撒靈又投於火姑與
妯娌力救之遣女孫伴睡柳謂女曰明早翁姑問
汝但云夜半子時女幼莫知所云俟女睡沐浴更
衣就縊女驚覺亟呼翁姑救之已死矣蓋子時也

趙貺妻徐氏

萬厯蘭谿縣志年二十二夫亡二子皆襁褓叔欲奪其志氏曰寧受飢餓勿受

毀辱吾志不可奪母姑為設飯請他再醮婦麗服華飾以款動之且誘以言氏不食而起後二子繼

亡三遭大患子然無依自若也年八十及見其孫時齊登第而卒

包姜姑

萬厯金華府志包相女家甚貧而性孝少以禮自閑族叔欽武斷一鄉鄉人婚娶必欽主

之而姑許聘朱揖欽弗與聞深以為憾適富賈范天生有睚女意欽遂為之媒揚言湘先受天生聘而揖奪之訟於官范富欽險而湘與揖俱怯訥不能自明女聞而號曰已許朱即其家鬼矣官能拆我之親其能拆我之心乎竟自縊而死事聞扁其門曰貞烈

徐氏二節

萬厯蘭谿縣志吳氏徐克和妻無子妾生子鈞方數月而克和死吳年二十一矢志

撫孤鉤長娶婦曹氏生女週歲而鉤亦亡曹年十九姑婦同心守節嘉靖年旌

何祭妻陳氏

萬厯蘭谿縣志名庭年十五歸祭至二十四祭卒殯前山氏常謂幼輩曰吾死

當置其旁每潛備殯殮等物服闋次日來翁父忌日索湯閉門謂婢曰吾浴畢當梳飾拜祖也久不出啟門則自縊死矣

謹按金華府志亦作何祭舊
浙江通志作何祭今改正

方滿妻徐氏

舊浙江通志年十八歸滿數年而滿患瘋倩媒欲令再嫁氏覺而詰之曰欲賣

我盍留我紡績以相給必我棄有死而已夫見其志堅而止日夜勞瘁供藥食五載夫亡翁姑又欲嫁之氏見父母泣曰我將去可收拾房中物人謂安心願嫁矣一夕自縊

諸葛希源妻李氏

蘭谿縣志希源卒李年二十母勸之再適堅拒不從乃私為約配強

之必就姒亦迫之氏思難脫乃剪髮嚙指以母與姒猶未釋也縊幾死年過四十卒

郭時行妻王氏

金華府志年十八適時行為繼室前室遺媵有娠以時行病革欲投藥墮

胎氏寢食不離以守之逾數月時行卒媵得男王氏喜曰是可以死矣竟絕食而死

許伸妻葉氏

明列女傳伸家素饒於財以不檢蕩且盡攜女投所親卒於通州氏守屍晝夜

哭或遺之食或餽以金或勸改嫁俱却不應水漿不入口者十四日竟死尸傍年二十餘州人為買

棺合葬

陳嘉賓妻祝氏

蘭谿縣志年二十三嘉賓早世遺孤又亡家徒四壁嘉賓親叔二人素貪

庚日夕勸其他適甚見凌虐氏莫可誰何投閣折臂以示廢棄而茹荼蠶藥以終其身

劉志浩妻華氏

舊浙江通志年十七歸志浩二十志浩卒遺孤週歲氏甘貧勵節鄰家利

富室之賄者為媒娶氏先謀諸翁姑不可繼使伯妾金姐甘言勸之氏痛叱詈遂出惡言汚之氏不勝忿嚼舌以死

章宜賓妻范氏

金華府志宜賓聘之未幾得痿症父母欲圖別嫁氏知之給曰乞與姑嫜

一面再議未晚遂至章家不返十年而宜賓逝撫姪繼嗣艱苦萬狀年八十五事閒被旌

童懋禮妻范氏

蘭谿縣志年十九歸懋禮三年而懋禮得狂疾氏遭撻辱事之無倦容五

年懋禮死或勸之曰狂暴之人有何恩愛兼無子家貧胡不他適氏大慟嚙指血淋漓以矢志年七

十六
卒

張王仁妻畢氏

蘭谿縣志年二十四而寡子幼父勸更適不從則私為約配強之必就氏

乃毀容斷指事後姑撫遺子二十餘年內外無間言

張希周妻徐氏

舊浙江通志許字後張得瘋疾兩姓各願罷婚氏剪髮不從竟歸張夫疾

轉篤扶持調藥餌不倦夫性暴每加詈辱亦怡然受之及夫卒閉門獨守三十餘年五十一而卒

唐貞女

萬歷蘭谿縣志名順許聘鄭時敵未婚而時敵歿會有議姻者憤鬱蒙被不食而卒臨卒

時先起易鞋蓋聞敵歿而即製者其立意久也舅姑傷其志因合葬焉

鄭氏二節

蘭谿縣志鄭元復妻楊氏子趙雲妻舒氏姑年四十婦年十六姑婦雙寡紉衣並經

而逝方登
辰有傳

胡夢熊妻方氏

蘭谿縣志年二十歸熊甫三載夫死子殤密縫其衣抱石沉塘而沒

童雲完妻龔氏

蘭谿縣志姑喪哀毀急遽間悞以夫兄為夫牽其衣而與之語覺而悔曰

我女子也牽夫兄
衣身辱矣遂自經

徐充妻黃氏

蘭谿縣志家貧夫卒方二十餘歲矢志靡他抱子依弟度日子稍長即投繯以

殉縣詳
請旌

龔氏二節

蘭谿縣志鄭氏龔蓋妻年十六歸蓋越五年而蓋卒力養孀姑抱從子泰為後長娶

鄭氏僅七月而泰卒遺腹生子
姑婦守貞如一鄭壻有傳

童顯芳妻施氏

蘭谿縣志顯芳死氏年二十一不義者以厚幣啗翁翁惑之綵輜至氏閉

門剪髮破面流血乃止歸依其母撫孤年七十卒

汪九思妻諸葛氏

蘭谿縣志適湯溪汪九思汪死無子伯謀其產逼氏再醮氏度不能

免遂密縫内外衣夜分赴屋後魚池死

趙有念妻柯氏

金華府志杭州人歸蘭谿趙氏明季兵起有念入山避難為兵所殺氏聞

易衣自縊死年二十餘值炎暑深山無棺可殮權藁葬至十二月有念入土遷氏同穴面如生四肢

不腐

趙氏三節

金華府志余氏趙世對妻明季兵潰肆掠氏攜女姪及媳諸葛氏奔蹶折右肱媳灑

血別夫姦年未笄誓與同死且相謂曰事急矣稍緩即欲求死不可得各密縫其衣閉戶自縊

潘士柱妻童氏

金華府志年二十四亂兵經其地氏扶姑逃至白蓮塘為兵所獲以馬脅

之使乘氏詈不絕口兵仍挾之行至一塘投水水涸不能沒兵拽之出加鞭笞氏益肆詈兵乃手刃而去其姑尾得之抱屍泣時盛暑色不少變

謹按縣志亦作潘士柱舊浙江通志作士桂今改正

趙氏二節

蘭谿縣志章氏王氏趙以岳妻妾也明季兵潰搶掠四出二氏見勢危迫勸其夫遁

去止一子甫六齡脫簪珥囑蒼頭攜付舊識老嫗撫之乃更衣密縫同時自縊妻懸左妾懸右時當酷暑死六日而兩屍不腐面如生又郭希章妻潘氏亦自縊死

章聰妻董氏

吳深妻徐氏

盛震翁妻郭氏

徐傑妻董氏

張浪妻王氏

趙薤妻吳氏

范淮妻唐氏

徐禘妻章氏

余禮妻凌氏

祝獬妻李氏

徐初妻祝氏

郭鼎妻柴氏

葉壽甫妻徐氏

李淪妻董氏

葉日新妻諸葛氏

陸入家妻余氏

朱明臣妻唐氏

徐玘妻趙氏

唐廷倬妻祝氏

鄭大紹妻何氏

鄭文禮妻徐氏

郭根妻陳氏

鄭梯妻趙氏

朱朝瑞妻唐氏

趙志淑妻朱氏

趙公潤妻唐氏

江元俊妻朱氏

柳希忠妻姚氏

郭希郊妻俞氏

包廷鏊妻方氏

徐學貫妾萬氏

邵時叙妻唐氏

朱汝文妻張氏

邵元芳妻童氏

邵元楫妻舒氏

柳光大妻鮑氏

柳升大妻陸氏

李之鯤妻章氏

范世光妻胡氏

徐邦元妻葉氏

徐德魁妻龔氏

童鳳鳴妻邵氏

葉鍾河妻章氏

姚文勲妻趙氏

章坤亨妻袁氏

葉宗填妻吳氏

柳希孟妻陳氏

柳希忠妻姚氏

鄭登科妻方氏

戴尚賢妻張氏

應尚祖妻戴氏

諸葛思經妻趙氏

國朝

葉氏二節

蘭谿縣志趙氏葉鍾芝妻徐氏芝弟鍾藻妻順治三年馬士英潰兵剽劫二氏並為

所獲奮呼曰殺我我不去即共跳溺荷花塘中兵怒以槍亂刺之死按臣具題奉

旨建坊旌

表

戴于度妻孫氏

題旌冊夫病割股救之及夫卒即絕粒而死事

聞建坊旌

表

趙台孫妻唐氏

題旌冊年三十而寡遺孤甫週家貧晝夜勤紡績以自給足不踰閭撫孤

成立守節至六十五歲有司詳請具題奉

旨建坊旌表

唐學煥妻葉氏

題旌冊夫亡二子幼氏事舅姑孝訓子皆能成立守節四十餘年雖至戚

罕見其面雍正三年具題奉

旨建坊旌表

郭永芳妻沈氏

題旌冊夫亡無子事姑孝謹姑病割股療之繼姪為嗣長為娶龔氏子又

早歿媳亦感姑之貞矢志不二焚荒

姑媳紡績哺孫守節三十餘年

鄭守陞妻徐氏

題旌冊夫亡舅姑老遺孤孱弱氏勤女紅以供日用姑目喪明氏扶持不

離左右且朝夕以舌舐之數

年目復明守節三十五年

程引彪妻翁氏

題旌冊夫亡姑歿事哀翁二十餘年以居孀故終身不復歸寧課子以義

方

蔣德崇妻鄭氏

題旌冊夫亡撫孤成立事舅姑孝謹以上四氏俱雍正四年具題奉

旨建坊旌表

方耀臣妻姚氏

題旌冊年十六夫亡遺腹生一男誓無二志事舅姑克盡孝養撫孤成立

茶苦三十六年

郭崇會妻孔氏

題旌冊年二十六夫亡事姑孝姑病侍湯藥衣不解帶者數月姑卒氏以

勞勩成疾猶強起襄事擗踊哭泣鄉黨稱孝無間言

柳嵩齡妻李氏

題旌冊年二十五夫亡事舅姑撫孤備極艱苦以上三氏俱雍正五年

具題奉

旨建坊旌表

趙體嘉妻柳氏

題旌冊夫亡遺孤二撫育辛勤不三年而俱殤氏欲求死家人以似續為

大勸勉之乃立猶子為嗣撫如已出事舅姑生養死葬以一身拮据任之

金世悅妻張氏

題旌冊夫亡誓不欲生舅姑曰爾有遺腹倘得男爾夫為不死矣既而果

生一男氏辛勤撫育至於成立守節四十二年

范文聲妻章氏

題旌冊夫亡撫遺腹子成立

吳肇鵬妻范氏

題旌冊夫亡遺孤幼守節四十年事上撫下孝慈並著

鄭瑗妻吳氏

題旌冊幼讀書夫亡家貧甚撫子稍長即口授句讀親為講解子長為諸生守

節三十餘年

吳上依妻方氏

題旌冊夫亡能孝舅姑訓子以上六氏俱雍正六年具題奉

旨建坊旌表

章貞女

題旌冊受范文穎聘未婚文穎病篤氏請於父母往侍湯藥未幾夫卒居喪不返孝事舅

姑立嗣為夫後守節數十年雍正七年具題奉旨建坊旌表

董長妹妻吳氏

題旌冊氏以禮持身為強暴者所逼力拒死之時雍正八年二月也獄成

旨建坊旌表具題奉

趙養生妻楊氏

金華府志年十八歸趙期年夫亡氏送殯遂躍入池中以救免自縊亦救

免姑與母環守之進湯飲氏裂其碗割喉以死

徐燮妻章氏

蘭谿縣志年二十而寡明末潰兵肆掠同鄰婦避兵碧霞宮被搜出氏奮身就

死兵拔刀恐之引頸就刃臂為斷兵去刀創不藥自合後無疾而終

俞貞女

舊浙江通志許字鄭大全年十五以夫病劇迎歸未諧伉儷大全卒抗志守貞久之或勸

改適則斂容曰女受聘即為人婦犬豕之言何以入吾耳家貧紡績以供朝夕年六十七而卒

朱貞女

金華府志許字童左生未嫁左生死女聞慟哭易服奔喪父母止之不得居期年父母憐

其幼欲奪其志女泣曰人之所以異於禽獸者以有義也如無義禽獸不如矣矢死不從踰年卒

趙應祖妻黃氏

蘭谿縣志年十六嫁應祖未四年而夫卒氏痛哭絕食而殞

鄭邦輔妻童氏

蘭谿縣志年十六歸鄭生一子二十而夫亡族長欲奪其志以刀斷髮

破面為信家貧紡績度日其後子卒與媳陳氏臥起相依撫孫成立年七十八而終

唐貞女

金華府志許字趙世庠年十四適翁卒迎歸依姑未覩夫面卜三年後成禮未及期世庠

病卒始面庠永訣女絕而復甦拔簪折為三誓曰倘不堅守有如此簪足不出戶數十年如一日

郭貞女

舊浙江通志郭驥園女許字趙贊化年十七已卜期先二月贊化痘亡女聞訃即變食易

衣自誓守志屆原卜之期哭請於父母歸趙父母曰果如此亦吾族光但為節婦難為貞女尤難耳女即欲自刃以殉乃歸夫家竭力奉事孀姑以完其節

鄭景中妻張氏

蘭谿縣志景中幼嬰羸疾冠猶童身願退婚而氏堅志歸景中貧無立錫

毫無怨色景中亡紡績苦守鄭族重其節歲給祠穀養之卒年七十雖節婦實貞女也

唐起大妻翁氏

徐上翰妻余氏

鄭如萼妻吳氏

畢邦述妻鄭氏

趙世寧妻徐氏

徐汝瑚妻朱氏

洪應霖妻童氏

余憲妻周氏

董星偉妻鄭氏

趙世福妻郭氏

姚缺名妻朱氏

徐缺名妻胡氏

葉缺名妻嚴氏

徐缺名妻范氏

陳缺名妻劉氏

方缺名妻李氏

胡琦妻張氏

諸葛邦立妻汪氏

鄭時學妻朱氏

邵倅妻章氏

諸葛大義妻張氏

徐缺辰妻黃氏

余德基妻胡氏

范樽妻方氏

諸葛凝妻陳氏

童文玉妻何氏

吳應綬妻童氏

趙希典妻童氏

趙啟元妻童氏

滕缺妻葉氏

劉缺妻缺氏

章泰亨妻何氏

朱良臣妻金氏

趙鳳輦妻胡氏

章友直妻鮑氏

趙初妻童氏

張明良妻胡氏

董召高妻朱氏

方譚妻朱氏

徐見統妻姜氏

徐文魁妻王氏

童曰英妻鮑氏

章尚忠妻趙氏 何思忠妻羅氏 邵廷珍妻金氏

盛學忠妻滕氏 方綽妻諸葛氏 嚴光裕妻張氏

徐如城妻章氏 滕臨妻鄭氏 童體元妻吳氏

童志尹妻水氏 徐大畏妻范氏 徐貞吾妻王氏

張廷立妻舒氏 姚嘉懋妻江氏 葉有參妻章氏

東陽縣

宋

李誠之妻許氏

東陽縣志誠之為新州守城陷將巷戰歸語其妻其妻率閭門婦女同時

赴水死事聞贈令人
子婦孫女皆贈安人

胡德廣妻朱氏

東陽縣志元兵入東陽德廣見殺朱義不就俘死之

元

傅賀妻陳氏

柳貫傳節婦傳陳師道女適賀生一女而賀亡婦時年二十四養姑甚謹又三

年姑亡內外嫻憐其無子而貧咸勸之改適婦曰吾寧餓死豈肯幸生乃益劬躬殫志五年始克舉其舅姑與賀之喪域而窆之以從子似嗣教之學而尤不廢耕會高陽許先生棲隱八華山中遣似從學似聞其講說知義理之緒遂能承節婦之志終植其家

馬氏女

嘉靖浙江通志名淑年十九將嫁而夫死淑乃望夫家拜哭因製衰服終喪未幾姑死亦

如之父母欲更嫁之淑曰既許為人婦安可再乎以死自誓竟全女節以壽終

金與賢妻馮氏

台州府志與賢為黃巖務大使遭疾貧甚馮解衣市藥割股肉以進疾少

間復作而死馮盡瘁營殮葬畢沐浴更衣遂自刎死鄉人沈希中捐錢以殮焉

劉義妻程氏

萬厯金華府志名清張士誠寇掠東陽清攜子奔竄山谷寇逼之不從殺其子

清罵愈烈寇遂殺之有祠在獨山

明

徐元良妻周氏

萬厯金華府志名惠奴年二十八夫亡無子育猶子景清繼嗣姑篤疾竭

力奉事無怠年九十卒洪武癸亥旌其門

李道琰妻馬氏

萬曆金華府志名佛奴嫁一年而夫亡時年十九無子育其姪徽繼嗣誓

不易節處居三十

五年洪武年旌表

盧堯明妻蔣氏

萬曆金華府志名金娘年十七適堯明時堯明已病躬親湯藥弗怠居三

年堯明卒終身卻膏沐守素幃人無覩其面者撫孤成立人皆稱之

謹按舊浙江通

志作盧克明

趙傑妻徐氏

萬曆金華府志嫁五年而傑卒二孫子方孱弱而同室者狂悖多方詬侮欲亂

其志而嫁之氏恬不為動紡績是務

卒教二孤成立人稱貞婦賢母云

李宗悌妻杜氏

萬曆金華府志名貞年二十四宗悌從父戍遼陽瀕行囑曰吾遠涉萬里

曰否未可知老母弱女兩須愛養奈何貞以死守諾之後果卒戌所父母憐其早寡微言諷之貞遂

引刀斷指誓無他

志卒年六十八

郭貞女

東陽縣志許字陳應兆未醮而應兆卒氏欲奔喪父母不從更囑其親擇壻女乃悉焚其

所蓄珠翠錦綺絕鉛粉推髻終夫喪坐一樓以死自誓父母知其志堅從之

李貞女

東陽縣志許字張希馨希馨病請於父往視父使婢偕行令一至即返至則晝侍湯藥夜

與姑同寢使婢侍疾馨卒婢有孕舉一子遂撫育之以紹馨後又李方產妻趙氏將嫁產遺疾不起趙氏往視為調湯藥進飲食十日而方產卒守之十年亦卒

趙為潛妻徐氏

續文獻通考名瑩年二十七為潛沒撫遺孤晝夜哭者累年有為言禮婦

人不夜哭自是夜惟飲泣間誦孝經論語小學以節哀痛氣且絕猶誦目不視邪色耳不聽淫聲諸語唧唧不絕口婦郭氏亦以孝聞有司兩上其事詔皆旌之

張濟妻麻氏

東陽縣志天台人年十九歸濟於東陽越二年濟輸糧金陵以疾卒氏聞訃慟

哭三日不食姑慰勉之翼日忽沐浴整粧至夜自經於寢時正德己巳三月也

謹按金華府志亦作張濟舊浙江通志作張沂妻今改正

張大蒙妻厲氏

萬厯金華府志名珍夫病斷指作羹以進竟不起時年二十八父母欲奪

其志乃潛縊於夫柩傍母覺救免棲居四十年嘉靖戊戌旌其門

張墩妻馬氏

萬厯金華府志名湛年十八歸墩四載墩亡遺腹生一子夫兄強之再適湛斷

髮不從避歸母家紡績自給撫孤成立卒年八十八

吳鉞妻陳氏

萬厯金華府志名潤瑛鉞邁奇疾藥不治氏割股救之不愈竟卒時氏年二十

七父母欲再嫁之氏托神主號泣自誓居四十餘年養姑撫子事聞旌其門

許陽妻陳氏

東陽縣志生二子二十八而孀伯叔欲奪其志給以歸寧并之再適中道覺自

輿投地幾死乃止依孀婦王氏家紡績自給以養二孤成長而歸年八十餘卒

陳時思妻趙氏

東陽縣志二十四而孀時思係繼子母性悍二孤幼旁有力者又睥睨其

間氏當之四十年艱難荼苦卒成其志

方雲鳳妻韋氏

東陽縣志名聰年十九適雲鳳雲鳳沒每自求死時懷孕將產妯娌勸其

節哀以續夫後及彌月而產女也乃不食三日卒

盧鈞妻胡氏

東陽縣志年二十一鈞遺疾家貧以紡績供醫數年不怠及卒悲號欲自經妯

娒勸止父母憐其少令更適遂絕粒而死嘉靖年旌其門

趙綽妻孫氏

舊浙江通志嫠居久一日鄰家失火將延及眾悉趨避氏獨據室不動且曰死

得其所矣瞬息反風火滅人咸異之撫男成立氏遘疾其子欲延醫拒之不食藥而卒

趙氏六節

金華府志陳氏趙賢誠妻年十九誠亡撫子明峻長娶郭氏峻又早卒郭年二十八

撫孤忠遂亦娶郭氏忠遂又早卒氏年二十三代守節始終不渝東陽縣志賢誠族弟賢行妻郭

氏媳郭氏孫媳亦

郭氏亦三代守節

盧懋琦妻王氏

金華府志年二十九懋琦為王某所殺兄弟皆幼不能理氏親詣官訟其

事獄成而潛以賄脫氏嘆曰夫讎不報何以生為遂裹夫骨走會城控法憲歷六七年卒置仇於法

張思選妻徐氏

金華府志年二十舉子方一月夫亡姑向患足痛氏晝勤紡績夜抱姑足

於懷以止其痛如是者十餘年撫孤全孝以壽終

趙滌妻張氏

東陽縣志年二十一夫亡家貧其弟受陳姓重賄計使歸寧奪之氏聞即剪髮

自誓紡績養姑終身無二

王默妻許氏

東陽縣志年十六歸王二載夫往廣東別娶數載客死家貧無子翁憐之欲令

再適紹之歸寧氏知之剪髮自誓後兄弟與翁復逼之即自縊鄰母救甦竟以壽終

盧伯義妻趙氏

舊浙江通志未歸而伯義病欲辭婚父母亦不欲嫁盧氏請行甚堅嫁之

日未能成禮自後藥餌飲食悉出於氏未及期伯義卒哀毀骨立伯姒以其次男懋悌繼之悌入太學氏偕行就養病作媳蔣氏刲股和藥以進事聞大司成集六館諸生旌異焉

李學顏妻蔡氏

東陽縣志十五歸李其姑生四子而獨憎學顏一日母笞之學顏走適氏

織遂笞氏曰爾為夫受杖氏無所忤亡何夫病瘵死子秀方在抱姑欲嫁氏計將強納他聘繫氏於輿而去氏思曰姑意吾多藏耳遂納所有而孝敬不衰姑為之感動卒撫秀成立以壽終

張汝崑妻陸氏

東陽縣志年二十四夫亡家貧姑老氏力勤自守既習紡織復事耕耘有

以再醮勸者峻却之一子稍長即命力田子耘田中氏耘田畔見者憫其志有以米粟餽者謝之不

受

張正卿妻樓氏

盧道濟妻何氏

蔡永壽妻許氏

杜童妻石氏

葛道佑妻杜氏

吳滄母陳氏

盧文翁妻胡氏

徐珙妻成氏

陳時慥妻趙氏

郭伯達妻應氏

陳懷誠妻羊氏

馬伯定妻陳氏

沈叔讓妻王氏

徐忱妻金氏

許本妻賈氏

盧鯨妻吳氏

張紳妻厲氏

張昌妻何氏

郭陞妻馬氏

李教妻陳氏

杜孟殊母陸氏

李栢妻胡氏

盧堯器妻俞氏

姓缺廷望妻許氏

許儲妻鄭氏

郭光亨妻趙氏

張國縉妻許氏

郭銓妻金氏

郭袖妻金氏

盧仲轍妻虞氏

盧懋禎妻虞氏

趙璟妻金氏

陳時夏妻李氏

陳所道妻李氏

陸應運妻郭氏

郭秉敬妻應氏

盧洪弼妻趙氏

盧懋橋妻趙氏

趙賢庠妻應氏

王錢妻李氏

陳彥深妻盧氏

屠天文妻郭氏

屠明露妻黃氏

屠明恩妻呂氏

樓繼祥妻葉氏

胡繼芳妻包氏

陳化民妻王氏

包滂妻呂氏

趙賢邵妻徐氏

趙明玠妻徐氏

李為國妻趙氏

李方端妻盧氏

郭士產妻包氏

陳棡妻馬氏

郭景翰妻王氏

陳時憲妻金氏

陳所鏡妻郭氏

國朝

任貞女

題旌冊任君實女年十八登樓織維有僕朱蘭艷其色潛入擁抱求合女厲聲叱之即下

樓哭訴於母母出尋父而女已自刎死康熙五十九年奉

旨建坊旌

表

吳國元妻杜氏

題旌冊年十八夫亡撫孤守志及子長又卒有逼之嫁者氏度不免遂飲

藥而卒有司詳請具題奉

旨建坊旌表

杜思進妻詹氏

題旌冊早寡事姑孝姑患疽藥餌罔效氏朝夕吮之無難色撫二子長令

從師授學有成守節四十年雍正三年具題奉

旨建坊旌表

金懋昌妻呂氏

題旌冊年二十八夫亡子幼家貧甚親黨強其再醮不從紡績易粟養孤

未幾子又殤於是奪志之謀復起氏誓死不移撫

姪光祥為嗣長娶媳王氏甫育一孫子復夭媳亦

守志不嫁氏荼苦五十五載雍正七年具題奉

旨建坊旌表

張武慇妻蔣氏

東陽縣志順治三年亂兵入其家欲汚之躍入門前川塘死又徐氏周汝

桂妻馬氏張文泰妻為
兵所掠俱躍入水中死

樓氏六節

金華府志順治四年土寇掠三都和堂樓
姓婦全節者六人王氏樓廷策妻陳氏樓

賢材妻蔣氏樓用意妻李氏樓用京妻吳氏
樓用孝妻王氏樓用聲妻抱幼兒各赴水死

樓廷挺妻黃氏

舊浙江通志有殊色寇入其都氏與
廷挺父子皆被執強之不從乃磔其

夫以脅之氏罵不絕口復
殺其子罵益甚遂并殺之

許欽京妻金氏

東陽縣志義烏金德義女順治初羣
盜肆掠氏奉姑偕女媳鄰婦百餘輩

避難泊塘山莊猝遇寇以刀脅諸婦姑當其前氏
懼姑見害急叱曰寧殺我因躍起奪其刀自刎十
指斷裂血濺數尺餘寇駭走姑與被難婦俱得
全已少甦猶模糊問姑所在久之卒以創死

趙忠興妻虞氏

金華府志順治五年寇亂以家貧不能遠避而寇兵猝至氏攜三歲兒急

走不能脫被執拉諸馬上氏投馬而下者三寇知不可辱橫刺其脅以斃

陳廷雪妻張氏

金華府志歸六年生二子順治五年寇亂奉姑避他處姑先歸氏語其夫

曰姑老矣焉有為人子為人婦而避地違親者乎因與夫歸侍寇適至被執氏罵曰頭可斷身不可辱遂仰天而慟曰吾不能再侍高堂矣寇以刀礪其頸氏厲聲曰殺即殺唬我何為遂殺之

倪良淘妻陳氏

舊浙江通志寇亂見執知不能免乃投於西湖潭中賊怒以鐵鈎鈎出裂

其體
為四

樓文貴妻盧氏

東陽縣志年十五適文貴文貴治農業居一年有鷲啄其田麥文貴擊之

傷鄰兒言不遜文貴毆之鄰兒投塘死於是諸豪
右及保歇叢至視其室無有乃語文貴曰人命至
重家千金亦必盡吾為汝計獨有此婦可解耳文
貴許之媒者至氏曰是生離也吾何忍媒者曰汝
家貧吾為汝易一富者氏曰吾寧甘貧不慕富也
文貴無以謝罪則自求死氏曰若死吾與汝同死
遂啟室逃之空林夫婦同縊死官乃窮治
諸人之罪而旌其門此順治十年事也

虞貞女

舊浙江通志盧濬聘室也濬以疾殤女聞訃
慟絕請奔喪父母難之遂求死既而亦如夫
疾疾中喃喃若與盧誓同穴者

不踰時卒夫家迎其柩合葬焉

王貞女

舊浙江通志陳應彥聘室也未歸而彥夭女
聞欲奔喪父不許女即絕食服酒嫂救之又

捉刀自剄父兄急持之免乃歸陳門稟於舅
撫一姪為後值土寇掠境重其節不入其門

郭必光妻潘氏

東陽縣志順治十七年光疾死其姑勒令他適氏即投繯自盡

詹允迪妻吳氏

東陽縣志迪與族人某有隙以事陷之繫獄氏知不免與夫約同日死

至期盡散其金珠以與諸窮困遣其奴婢使去至獄視其夫以目相喻對而憤嘻者久之至家取佩

刀自刎死於是允迪死未幾其仇亦死

陳所達妻羊氏

東陽縣志所達亡氏年少矢志茹苦立繼子為夫後遺二女訓以內則長

女嗣婢適夫未一年夫死有詩寄母為訣悲傷絕食而卒

樓廷陞妻盧氏

東陽縣志名松歸廷陞六載而夫卒遺一女堅守不二歲丁亥寇掠和堂

氏懼辱赴水救甦甲辰年壽終謂甥曰為我合葬事在汝遂卒

吳成雷妻應氏

東陽縣志年十六通成雷二載而夫沒父母欲奪其志不從姑病割股以

進姑為之起暮年以產附祖祠存夫祀又吳成龍妻金氏二十三而寡守志訓子年八十以壽終

趙正璉妻樓氏

東陽縣志正璉貌陋無能以補傘營生饕餮不給既沒樓年二十六無子

或意其必嫁囑其兄弟為之媒氏怒謝絕之不與通曰某雖貧家婦不能為無恥事遂聽之獨居一室凡慶弔事雖至親不與閉門織絰其所居當孔道往來之人莫有覩其面者

許欽普妻宗氏

鄭國光妻劉氏

華國運妻李氏

許淳錡妻俞氏

陳復教妻胡氏

趙忠義妻郭氏

吳堡妻金氏

吳立埤妻蔡氏

胡文期妻王氏

李坡妻杜氏

李髮妻陳氏

方鉄妻金氏

吳蓮妻虞氏

黃叔厚妻金氏

張大猷妻李氏

陳世明妻許氏

許世修妻陳氏

郭伯豐妻李氏

陳所

缺

妻趙氏

王池妻陸氏

陸衡妻陳氏

陳良仕妻趙氏

王元學妻趙氏

郭希敬妻吳氏

李方萃妻蔡氏

郭世宏妻吳氏

郭景性妻蔣氏

孫可大妻蔡氏

趙正室妻郭氏

蔣康祖妻王氏

許如珙妻吳氏

陸應式妻蔣氏

趙明燾妻胡氏

馬繼儒妻蔡氏 徐茂貴妻王氏

義烏縣

元

朱氏壽

宋源朱環女壽傳義烏人生有淑姿歸金華

威象祖台寇楊鎮龍反攻婺州浙東宣慰司
史弼捕獲之鞠其反狀壽父環有亡奴在械中怨
環欲誣環出貲助鎮龍時史怒寇甚凡獄辭所引
必盡殺乃止環子元疾病不能起視壽泣壽曰昔
緹縈能救父命我獨非人耶乃走告法曹掾馮耿
賢曰妾父無罪亡奴欲誣以不道倘事不得直一
家枉作泉下鬼聞君素長者獨不能相活乎言訖
淚如雨馮怒曰此事豈汝女子所知壽哀祈益切
馮為惻然良久曰爾但歸吾知所處矣明日使吏

椎碎奴口
不果誑

明

龔印可妻傅氏

萬厯金華府志名善貞年未三十夫卒訓育二子長寧次泰泰戶科給事

中死靖難時泰妻亦傅氏孀居撫四歲孤永吉長厯考功主事禮部侍郎

鄭經妻舒氏

義烏縣志年十六歸鄭景泰中處州賊葉宗留劫掠郡邑氏為所擄夜乘賊寢

潛出寨門以羅巾自經家人為收其尸瘞之顏色如生

何仁二妻金氏

萬厯義烏縣志年十九夫死每泣繼之以血敵廬僅三間族有欲其再適

而私其產者忽拆毀其半使無以居金志益堅繼姪為嗣詔旌之復其家

王貞女

義烏縣志許某為室未行某死請於父往弔父與俱至則服哀守喪惟父命之歸女取銀

珥投於水曰此珥若浮當從父命依姑處樓上終其身

黃極妻虞氏

萬厯義烏縣志極卒遺孫宗鎬方三週殯葬後與姑紡績存活有東陽豪貴張

姓者厚賄其父欲令變志卒不能奪婿居六十餘年卒年八十五嘉靖年旌

趙術妻龔氏

萬厯金華府志嫁未三載而夫歿年甫二十三無子人難其守剪髮自盟垂三

年十

王堯卿妻駱氏

萬厯金華府志年二十而寡恐父母移其志終不歸寧其姒得子育之以

為嗣

虞鳳孃

兩浙名賢錄虞守中女其姊嫁徐明輝而卒明輝聞鳳孃賢欲聘為繼室女謂父母曰兄

弟無同妻之理則姊妹可知父不聽女遂絕口不言自經死

李誠妻洪氏

萬厯金華府志誠卒時年十九姑令再適斷髮自誓冰操六十餘年

吳百忠妻傅氏

萬厯金華府志百忠死他鄉傅年十九家人欲奪其志不可得時衣食不

給又無嗣志節益堅垂四十年以姪大繼為嗣

楊金孃

萬厯義烏縣志楊明八之女幼許胡恩未婚恩以貧故應募過辭明八立語門首石畔女

偶窺見之逾年計聞號慟咽誓不再適閭里聞其賢媒妁踵至其父私受里人葉守和聘將改醮焉女知不可移潛往故夫所立石處自縊而死時年十七事在萬厯五年女家素零落幾於湮沒縣

采公評為立
石表其墓

王瑾孀

萬歷義烏縣志王宗武女受馮希範聘未歸夫痘瘍訃聞女誓與夫同穴邑士夫有欲聘

者女割髮以明不二父母知不可奪另建一室以居之足不踰閭目不窺戶紡績自給四十年如一日

劉氏二節

萬歷義烏縣志葉氏劉潤妻年二十四寡居屬堅操遺腹一子名未娶媳朱氏未幾

未卒朱年十九無子父母令改適誓無二志事姑惟謹辟蠶以資膳養歿與姑同葬有異花出塚上

狀如
白菊

金貢妻李氏

萬歷義烏縣志年二十六貢亡勺水不人口者七日孀居四十八載時山寇至

輒相戒毋驚金寡婦萬歷已未曾孫德義舉進士疏聞建坊旌其閭

黃承洙妻李氏

舊浙江通志夫亡氏年十九觸棺殞地姑曰身有遺姪宗祀係焉徒死何

補氏泣從命後生子嗣華成立已又亡遺媳俞氏姑媳相依孀守

朱需妻陳氏

崇禎義烏縣志年二十二需亡遺腹一子矢志堅守孫長家貧流落晉濟寺強

氏徙居不從孤尋歿復與婦撫孫孫又夭婦去氏朝不謀夕志節愈勵年八十五而終宗族共殮之

虞良相妻王氏

金華府志年二十良相亡遺子閏歲又亡父母憐其少勸他適氏斷髮悲

號不能奪繼姪德焄為嗣焄死又立姪德耀耀娶室生子父子偕亡復立姪孫應奎承耀祀四遭顛

沛零丁孤苦

年七十卒

丁文彩妻王氏

金華府志年二十八舅與夫相繼亡斷髮自刃幾斃賴姑救甦力貧撫孤

事聞
旌表

金京孀

崇禎義烏縣志行太僕寺主簿世儀女年十五從世儀之任陝西歸舟泊宜城盜夜劫之

世儀墮水京孀呼號力救賊逼之
京孀赴水死時泰昌元年冬也

駱行演妻樓氏

義烏縣志居檀林明末潰兵大掠氏出避山谷中至前塘知不可免立塘

畔不行須臾卒至躍入水水淺更躍入潭死後得屍潭中端坐如生又駱彪妻樓氏駱邦仕妻金氏逢潰卒俱躍入塘死駱舍妻何氏被殺沈於塘

駱明剛女

義烏縣志年十五明剛與女避兵犂壁山下為所得欲污之先殺其父女以口齧卒

臂卒斫其頸半截口
不釋卒怒寸斬而去

何映賢妻黃氏

義烏縣志時已薨與何瑞上妻駱氏避兵兒家塢卒至搜得黃拔刀脅之

不從時駱氏已老厲聲曰彼二十八歲守貞可無禮耶卒怒殺之一老婢以主母被殺痛詈卒并殺

之黃氏乘間以

斷竹自刺死

樓士恭妻厲氏

丁復興妻方氏

駱柱妻虞氏

黃宗武妻趙氏

徐越妻陳氏

吳嘉謀妻黃氏

龔福興妻馮氏

吳湘妻樓氏

龔滔妻方氏

龔廷亨妻王氏

王兆慶妻陶氏

陳暎妻謝氏

毛一松妻王氏

毛一蘭妻沈氏

沈時學妻戴氏

劉守廉妻王氏 沈賓國妻張氏 龔一清妻謝氏

駱元達妻樓氏 胡德盛妻陳氏

國朝

陳之鏞妻駱氏

舊浙江通志義烏人年十九夫亡遺孤子璽甫數月氏念衰老在堂孤子

在抱忍死含痛一志守貞康熙十二年具題奉旨建坊旌表

吳之藝妻倪氏

義烏縣志名仁吉浦江人歸義烏吳之藝能詩善書畫夫病革矢以身殉

夫力阻之且屬以立嗣奉姑仁吉含泣順承時年二十慟絕復蘇事姑猶母撫教為後三子行不窺堂衣不易素姑亡刻像奉之間以吟咏自適有凝香閣稿康熙十二年具題奉

旨建坊旌

表

丁貞女

題旌冊名曇娘許字同邑沈敦年十二敦隨父任雲南之曲靖衛越四載病故訃聞女立

志守節家故貧以紡績自給歲時祭奠其夫必極哀事寡母孝養備至及母歿遇閭寇之變女隨嫗母避地東陽寇過不忍犯其廬里舍賴以保全先是其叔與凡欲嫁之女截髮自誓人咸笑其愚及遇亂能擇地自全人莫不稱其智焉有婢名冬菊感其苦節相依不忍去女年六十三冬菊亦五十餘矣康熙二十七年具題奉

旨建坊旌表

謹按舊浙江通志及金華府志皆作丁團娘許字沈名登學道張衡丁貞女傳亦同惟義烏縣志作曇娘沈名登作沈敦係十七都人今查題旌冊與縣志同蓋縣志作於題旌之後自當以題旌冊為

據

商德茂妻賈氏

題旌冊夫染瘋疾欲遣婦改適氏聞斷指自誓及夫亡有逼其再嫁者遂

赴塘水而死康熙五十八年具題奉旨建坊旌表

駱喜孀

題旌冊寡婦駱張氏之女許字龔姓年十八未歸持身謹慎從不妄出戶外一日奉母命

尋難至舍側圍礪有惡少年直前抱持求合喜孀堅拒大呼弟妹聞聲至惡少逸去時喜孀即欲自盡而弟妹強扶歸家哭訴於母誓不欲生鄰里勸阻者絡繹不絕皆不應勺水不入口越日登樓縊死雍正六年具題奉

旨建坊旌表

童應憲妻王氏

題旌冊年二十而寡遺孤一訓撫至長娶婦王氏生孫世選世遠一訓卒

王年二十八氏偕媳苦守撫孫成立既而孫世選
辛婦季年二十四世遠卒婦龔年十七皆能矢志
撫孤童氏四世皆王氏一
身所繫苦節六十三年

吳洪溥妻黃氏

題旌冊年二十三而寡家貧無子姑
年邁里有富人欲娶之氏曰吾所以

不死者有姑在也挽之百端不為動勤女紅易粟
以奉姑而自甘忍餓一日為姑買絮衣縫補內得
藏珠一串氏欲留還售衣者後竟不至遂為
姑置棺衾人以為孝感所致苦節四十九年

虞枝連妻童氏

題旌冊年二十七而寡一子尚幼虞
氏兩世單傳舅姑早沒氏辛勤撫育

教訓成立苦節四十四年
年具題奉
以上三氏俱雍正六

旨建坊旌

表

馮士身妻劉氏

義烏縣志順治二年方國安潰兵肆掠氏被執扶之登騎氏以頭觸石兵

抱之口斷兵指兵怒奮刀

亂斫剖其尸時年三十一

蔣達妻王氏

義烏縣志年十七歸達康熙甲寅鄰寇起氏家臨江一騎卒逼之躍入江潭死

陳升紹妻樓氏

義烏縣志夫病臨終遺言數代單傳今無子當廣延繼嗣氏領之夫卒氏

幾絕者數四後月餘集夫黨述夫遺言就親房中各繼一子又捐田於學修祖墓既又分還各僮僕

身契侍女皆擇配嫁焉一日忽曰吾事畢矣偃牀瞑目而逝家人逆計其絕粒者已八日云

陳某妻傅氏

義烏縣志年十七歸陳夫貧外傭不數年翁姑與夫相繼亡一子甫週既無立

錐又無周親資紡績以自活子年十二復以拾薪遭虎噬氏入山尋血跡覓其子剝骨歸哀慘之狀

觀者無不悲痛或諷其改志誓死不從卒年四十七

許細孀

義烏縣志幼字金永額未過門永額亡氏立志不他適年十九歸至夫家繼族姪為子勤

治女紅堅貞自守足跡未嘗至戶外年三十六而卒

王貞女

義烏縣志許蔣舜咨子巨川聘而未娶巨川死女忱慟引決舜咨迎而合葬焉

樓慶達妻何氏

義烏縣志慶達遊學江右客死氏痛哭欲自盡妯娌勸止欲親往扶柩歸

葬又為家人勸阻日夜悲泣乘夜自投門前塘內死時年三十三又方以昌妻王氏家貧夫住都賀易得疾歸氏焚香告天願以身代未幾夫歿遂勺水不入口七日而卒

劉之龍妻朱氏

賈之儀妻童氏

樓國遴妻朱氏

李啟元妻王氏 朱蜚英妻樓氏 曹鯤妻葉氏

吳茂妻陳氏 駱文燮妻邊氏 金之善妻吳氏

蔣廷峙妻金氏 陳作霖妻吳氏 王應松妻徐氏

黃世封妻樓氏 王士厚妻吳氏 丁有澄妻王氏

陳昇妻何氏 傅無詡妻虞氏 陳忠敏妻吳氏

王應旂妻丁氏 童世選妻李氏 王明霞妻成氏

龔蘊美妻楊氏 王明長妻陳氏 丁弘潛妻馮氏

胡叶仕妻蔣氏 龔起環妻王氏 陳我旗妻樓氏

金來儀妻陶氏

馮煥案妻戴氏

葉邦傳妻馮氏

金輅妻盧氏

朱鴻飛妻孫氏

朱起能妻陳氏

王國璉妻鮑氏

樓祖蔭妻駱氏

陳逢彰妻金氏

朱時瑛妻丁氏

虞思漢妻呂氏

虞思沂妻宗氏

虞思洸妻何氏

永康縣

宋

杜陳二女

陳亮二烈女傳杜氏永康大姓女也生而端莊且麗宣和庚子冬妖臘起所在嘯聚

相剝殺里有悍賊輩謁杜氏門大言曰以女遺我
即已不即族汝矣其家驚泣欲與不忍不與禍且
及言於女女曰無恐以一女易一家曷為不可待
我浴而出趣具湯其家以告賊相與歡笑以俟既
浴取鏡施朱粉具衫衣盡飾俄登几而立縻帛於
梁而圍其下度不容冠抽之籠其首整髮復冠迺
死其家遑遽號哭賊聞驚捨去宣和辛丑官軍分
捕賊所過乘勢抄掠道永康將之縉雲及境富民
陳氏女為所執植其刀於旁曰從我我婦
之不則死女掠髮伸頸請受刃官軍斫之
謹按陳氏女嘉靖浙江通志及枯蒼彙紀俱作縉
雲人舊通志遂兩載之今從陳龍川集載入金華
而去處州
之重見者

章氏二節

兩浙名賢錄應氏章侯妻及其姒周氏相
懽如同產宣和間方臘作亂所過殺掠咸

望風走避應病足與十歲兒居周欽敵不忍舍去
應曰妾以足致死命耳姁何不亟避周曰生死共
之何避焉未幾賊至肆威迫怵周扶應氏相與罵
賊而死方殺應時兒泣謂賊曰寧殺我勿殺二母
賊怒并殺之

周氏女

萬歷金華府志許嫁鮑勤鮑家日替父欲改
嫁不從有陳姓者恃勢將脇娶之女投水救

得不死脅者愈
急乃縊而死

元

何頎妻呂氏

萬歷金華府志頎早卒遺腹生子甫二
月值至元丙子兵劫囊篋如洗人勸其

更適呂曰一馬不被二鞍況人乎鞠育孤子
至於成立年踰九十而卒至治二年旌表

呂光明妻朱氏

兩浙名賢錄元末盜起元明與東陽陳顯道各舉義兵擊賊有功遂欲乘

勝討方國珍時臺官多受賂賂為之內主遣宣差偽召元明殺之并害其子堪朱聞報即徒跣號泣走訴於陳顯道會里中義勇者數十人從朱氏疾追之及宣差於中道遂擒以還朱設夫靈焚香難燭生取其心以祭義烈之聲震天下云

明

葛吉甫妻徐氏

貝瓊貞素堂記永康徐氏女歸於葛事繼姑尤謹吉甫卒時年二十有七

誓養舅姑弗再適經營其家事俾二子從名師讀書乃築室大塘之文山顏之曰貞素歷四十餘年

呂堪妻何氏

萬厯金華府志永康人歸太平呂堪堪父元明聚義討賊為臺官所殺堪亦遇

當時和年十九無所出以姪三錫為嗣
守節至六十八而終洪武辛巳年旌

王和欽妻陳氏

嘉靖浙江通志年二十九夫亡遺孤
僅歲餘苦志守節孤名德中性亦至

孝嘗因母病籲天求代果獲痊一日東鄰失火
將延及德中向火稽首大遂西轉洪武年旌

徐與道妻葉氏

萬厯金華府志年二十六夫亡一子
三歲姑憐其少且貧間語之曰與其

相守而苦莫若各處而安葉曰飢苦事
小失節事大誓死守志洪武中旌表

王士濂妻曹氏

嘉靖浙江通志夫亡截髮置棺中曰
妾不即死以從君地下者以有遺孤

在也三年衰經不去體力勤絰織資家以訓子年
幾七十鄉老議上其事曹氏聞之曰此婦職常事

此也
母庸

李氏三節

續文獻通考李軻妻俞氏年二十五居孀守節子祿婦吳氏年二十九夫亡無子誓

繼姑志孫齊娶陳氏年十九亦寡因自誓曰守節婦女常事況李氏世德有自乎台州王一寧題其

堂曰一門三節
婦四世九賢孫

胡蓋妻陳氏

萬厯金華府志正統乙巳處寇掠境搗子走避遇寇棄子於岸投水而死

徐仕妻李氏

萬厯金華府志年二十仕亡家貧無子有富室求之叔伯受賂延媒氏欲自殺

以絕之年踰
八十而終

李淳妻盧氏

兩浙名賢錄嫁三載而寡家貧績絀自給有勸嫁者輒以死誓歸依母氏兄弟

得賂脅之再適氏自知不免給之曰吾所以不從者夫亡未薦服飾未備耳衆以為然乃潛治衣衾

喪具及期置夫神主
哭祭之夜自縊而死

金氏二節

萬厯金華府志陳氏金壘妻與壘弟和妻周氏俱年二十而寡嘉靖年旌表

程濟妻呂氏

萬厯金華府志年二十五夫亡遺孫在襁水槩自甘子孫相繼而歿三世一身

年及
百歲

樓偉妻朱氏

萬厯金華府志年十九夫亡或擁兵欲奪之自投於水以救得免撫姪文昇為

嗣終不
易志

程浪妻朱氏

永康縣志年十八歸浪未一月浪遊學南都遭疾亡朱誓不再適有黃某者欲

求之朱泣告舅姑曰烈女不更二夫願終吾志必欲嫁我惟有一死舅姑潛許黃某朱聞沐浴更衣

自縊死事

聞旌表

李汀妻呂氏

兩浙名賢錄名主奴汀赴姚泉汲水失足溺死呂痛哭仆地水漿不入口者數

日舅姑憐其少寡強更適之呂聞乃縫衣秉燭赴汀溺所死

胡鈇妻徐氏

兩浙名賢錄歸二年而鈇死無子矢志苦操坐卧夫柩傍足跡不越戶闥鄰大

延及寢室衆勸其出氏堅抱柩呼曰得同燼幸矣須臾反風火滅年八十二無疾卒

章韞奴

陳調元貞烈傳年十二許字馬氏越七載馬氏子害疹不救韞聞欲往省父母恐不測乃

聽往至則馬氏子已不省韞擗頓啼呼馬氏子覺張目言負汝負汝而絕韞哀痛壁麻親爪櫛飯舍視襲殮憑棺約爾前遵我我為爾圖後事踰年抱叔氏子從海嗣孝敬雍睦性不耐逸歲週甲子臺

憲上其事旌
曰貞烈之門

王師憲妻周氏

金華府志年二十四夫亡目不窺
牖舅疾割股療之王世德為傳

陳章甫妻黃氏

舊浙江通志年二十夫亡剪髮繫夫
手誓同死遂絕飲食依夫像號泣淚

盡繼之以
血旬日死

王世慶妻應氏

永康縣志年二十寡居避寇青山口
聞警赴水歿覓其屍衣袴皆連結不

開可

應氏三節

金華府志周氏應子聖妻年二十三夫亡
撫子惟介娶朱氏年十九介又亡遺腹子

君發娶朱氏年二十一發又亡姑媳三代孀
節凜然壽俱九十餘周鳳岐有三節婦傳

李趨妻陳氏

永康縣志年十七夫亡有潘姓者欲娶之氏乃大會族人自矢不二引刀斷髮

守節
終身

程懋修妻盧氏

金華府志年二十六夫亡苦節撫孤子又亡赤貧堅守志節凜然

程氏二節

永康縣志程國瓚妻應氏年二十四夫亡艱苦撫孤年六十病篤子旭燦割股救療

乃差瓚兄國化妻李氏年十九夫亡無子剪髮自誓立應氏子旭煥為嗣妯娌孀節兄弟篤孝

楊汶妻謝氏

應永和妻胡氏

盧弘三妻曹氏

盧任三妻章氏

應敬妻周氏

吳寧妻葉氏

徐叔高妻李氏

徐季順妻陳氏

俞淮妻陳氏

董璫妻陳氏

徐澄妻應氏

黃二一妻徐氏

趙鎬六妻呂氏

王謙二妻樓氏

王珏妻童氏

呂實妻胡氏

葉行十妻呂氏

何三九妻徐氏

吳珪妻徐氏

李實妻陳氏

周傑妻陳氏

呂培妻王氏

朱桓妻林氏

胡璽妻丁氏

王廷璉妻應氏

施昂妻胡氏

趙勝妻李氏

陳秀妻李氏

朱良存妻陳氏

姚世玉妻方氏

李璫妻王氏

應鎮妻馬氏

朱畢妻童氏

李泰妻應氏

應實妻胡氏

呂克堅妻丁氏

應大恩妻李氏

徐鳳富妻趙氏

王洪範妻潘氏

樓思妻金氏

徐秩妻程氏

倪瑄妻陳氏

徐啟陽妻斯氏

童芝妻盛氏

胡塞妻李氏

呂文鼇妻周氏

俞培妻池氏

應八十五妻徐氏

徐懋學妻李氏

王宗琰妻胡氏

徐勗妻陳氏

徐宗畫妻應氏

葉大秦妻黃氏

呂應相妻孫氏

徐守良妻陳氏

馬崇儀妻施氏

朱以武妻程氏

呂國正妻朱氏 朱以卓妻徐氏 應一進妻陳氏

應明理妻李氏 徐起相妻王氏

國朝

陳嘉謨妻朱氏

舊浙江通志年二十四夫沒事姑甚孝撫孤成立年七十卒康熙十二年

奉旨建坊旌表

徐氏二節

金華府志徐士霽妻虞氏名登二十二歲夫亡矢志貞守繼叔子璜為嗣聘女姪枝

淑為媳育一女淑年十九璜又亡號痛絕食誓以身殉姑以婦有遺腹力勸止之踰月生男兩孀零丁孤苦歷十有二年男女又相繼亡淑遂自縊年三十姑亦卒年六十三康熙十七年奉

旨建雙節坊

旌表

盧國釗妻周氏

題旌冊年二十五夫亡事姑孝撫孤成立守節至七十歲而終康熙五十

旨

建坊旌表

一年奉

程德福妻陳氏

題旌冊年十六適程甫一載而夫亡時舅姑已沒遺腹生子矢志撫守歷

七載夫之祖程遠度以身老孫幼且家貧慮氏不克終也許聘呂氏子婚有日矣氏知難挽遂祭奠其夫入室扃戶沐浴更衣密縫下帷從容自經死康熙五十五年具題奉

旨

建坊旌表

表

徐聖鳳妻童氏

題旌冊性貞潔以禮自持族姪徐麟仲者狂且也睚氏夫他出入室欲犯

之氏堅拒不從猶強之不巳氏大呼望救遂遇害
康熙五十六年獄成具題奉

旨建坊旌

表

李茂峯妻胡氏

題旌冊年十六適李未閱歲夫亡遺腹生子誓不再嫁家貧勤十指以養

舅姑育幼子守節四十餘年雍正四年具題奉

旨建坊旌表

應有美妻包氏

題旌冊年二十四夫亡二子在襁褓截髮矢志孝翁姑撫二子守節二十

年八

呂可昌妻方氏

題旌冊年十九而寡守節三十二年以上二氏俱雍正十年具題奉

旨建坊旌

表

應氏三節

題旌冊應鼎鼈妻周氏及子洪瑄妻徐氏洪瑄妻徐氏也鼎鼈卒周年二十洪瑄未

離襁褓次子洪瑄側室出周撫訓無異及長各為娶婦不數載二子相繼卒洪瑄妻年二十五一子

在北一子在腹洪瑄妻年二十四一子甫四齡一門三孀周視兩媳如女兩媳事姑如母妯娌相依如姊妹同居一室共撫三孤周守節四十六年洪瑄妻守節二十五年洪瑄妻守節二十七年雍正

十三年具
題候旌

程懋銓妻徐氏

永康縣志年二十順治乙酉寇至聞有被污者遂閉戶自經死

胡氏二節

永康縣志胡良盛妻盧氏年二十一夫亡撫孤貞守遇寇至以投水獲免五十餘年

完節其孫胡明昨妻黃氏配二載夫亡遺孕得子又亡或勸令改適黃遂密縫偏體衣夜自經死

方福娃

永康縣志方豫卿女康熙三十三年甫十歲嫡母馮氏病服藥不痊福娃日夜涕泣登樓

割左臂肉煎糜以進母病立甦
巡撫頒發紬布銀兩匾額優獎

陳日升妻王氏

永康縣志年二十八夫亡孝事寡姑撫孤娶媳未幾子復亡時媳章氏方

振遺腹生嗣三載媳又亡兩
世一孫教育成立年七十終

柳于位妻陳氏

猷牘于位賞陳老嫗肉脂一觔次日老嫗來索適于位他出見氏獨處遂

出語調之氏憤懣叫呼老嫗逸去于位歸氏泣告
受侮狀至夜分潛赴水死時年二十二歷審得實

請旌

應彥宮妻李氏

盧一鵬妻沈氏

方震暘妻楊氏

徐彥泓妻陳氏 樓惟駟妻陳氏 徐國時妻吳氏

周俊初妻應氏 呂一森妻周氏 應可綸妻朱氏

姚國仁妻俞氏 姚君恩妻傅氏 胡兆通妻應氏

朱振生妻呂氏 周鴻謨妻徐氏 李瓊達妻金氏

應堯卿妻葉氏 胡之龍妻應氏 應鳳虞妻包氏

盧子謙妻俞氏 盧榮秋妻胡氏 金邦泰妻張氏

應時起妻朱氏 李為棟妻林氏 傅泰禎妻翁氏

李正珙妻徐氏

浙江通志卷二百十二

欽定四庫全書

浙江通志卷二百十三

列女十二

金華府

武義縣

宋

劉滂妻湯氏

宋濂劉滂傳建炎中滂知建昌軍兵變
湯死妻湯氏侍姑側兵及身猶不去竟

遇害

鞏法妻楊氏

葉適楊夫人墓誌武義人嫁東平鞏法
鞏死夫人年二十六子長曰豐三歲幼

嶠始生鞏貧人謂夫人當奈何曰吾義寡鞏氏矣
復何顧二子稍長時嫠有大儒呂公夫人告二子
曰爾學不成無庸歸也二子或經年不得見母既
而先後登進士第皆為時所知夫人卒年六十八
葬長
壽鄉

明

徐氏二節

續文獻通考徐榮妻吳氏年十九適榮生
子甫三歲而榮死未幾榮弟廣繼卒其妻

顏氏年二十七撫二孤妯娌一志奉姑
育子恪守婦節年踰六十洪武中旌門

程文盟妻王氏

正德武義縣志年二十六而夫歿父
母舅姑待其終制將改適之氏呼天

誓曰我若改適日月西出事舅
姑撫孤子確守霜操洪武年旌

尤安谷妻王氏

萬厯金華府志嫁三年而安谷病且
革顧謂王氏曰吾嫡生二母俱老而

子幼汝能保養雖死無憾氏泣受命而安
谷卒奉姑教子終始一節洪武年旌門

徐信妻朱氏

王德武義縣志幼許字信信罹疾父母
意弗懌朱謂既與之約敢忌疾耶即歸

信未幾信卒時年二十三遺腹產子一曰文敏備
歷苦辛鞠而教之子亦以篤孝稱正德年旌表

徐遠之妻吳氏

萬厯金華府志年十九夫亡遺腹三
月誓志守節其父逼嫁之因引刀斷

髮又欲自經父懼而止撫育遺孤垂
四十年不出戶庭雖族人罕見其面

徐思泰妻沈氏

金華府志夫早亡無子咸勸再醮哭
曰嫁二夫犬豕不食吾餘也矢志苦

守苦塊獨居即童子不得入其室

邵文德妻程氏

舊浙江通志方許嫁夫有惡疾父母謀改適程曰命也竟適之未期年夫

亡家貧無子閉閣紡績自食年九十三卒事聞詔旌其門

徐賢妻吳氏

金華府志父溫無子贅賢同居未幾賢亡吳年二十一無子夫家勸其更嫁吳

曰此輩利吾財耳盡散之苦守三十餘年事父母孝養備至事聞旌曰節孝

余文秩妻鄭氏

武義縣志年十九夫亡無子以姪為嗣家貧賣豆腐自給苦節四十餘年

王世名妻俞氏

陳堯言俞烈婦傳年十七歸世名世名方飲父仇待時而發明年生子謂

俞曰此兒之寄非他人比善撫之命名宗禹居無何斬其仇之頭祭其父投之官遂死之俞慟幾絕

水漿不入口邑人韓生與世名故師弟而其媼又
俞所視為母也虞其死往慰之指其子曰王生遲
死六年為此一塊肉耳忍棄之耶俞憮然曰是誠
不可死然又不可不死乃稍就食置王生柩於卧
榻前飲食起居一稟如生時三年服闋乃料理其
家事集家人輩再拜別囑其子於韓媼絕粒而死
時宗禹五歲矣先是王生之死孝也直指上其事
議寢不行至俞死因并上其事報曰可建祠立坊
曰孝烈

蔣烈婦

武義縣志徐伯康妻伯康不克家隱職業蔣
每泣諫貧至不能自存謀欲賣之婦泣謂曰

吾勤紡績足支歲月奚自鬻妻為不聽召媒成券
帛與至婦乃登樓從窗墜下而死縣令陳化撰文
祭其墓

劉雄九妻徐氏

金華府志年十九懷娠二月夫亡姑令更適徐泣曰妾之不殉罪已多矣

奈何更適况有遺腹在乎遂至母家生子撫之苦守四十餘年

陳花容妻鞏氏

武義縣志夫死伯叔逼令再嫁不從重賄鞏父母許之肩輿將至遂密縫

其襟袵自衣至履無少罅隙聞戶自經事聞詔旌其門曰節烈

楊國瑞妻徐氏

金華府志年十九夫亡遺腹生女繼母欲奪其志氏剪髮毀容以死拒之

崇禎十六年寇亂居民多挈家逃避氏聞之曰未亡人待死之日久矣豈能從諸妯娌偷生乎遂自

經死

朱男妻李氏

金華府志未嫁而夫患癩疾體腐穢不可近其父請命於翁許令改嫁卜日將

適他姓矣氏給其父曰必別夫而後行此至誓
不復歸敬事其夫逾年而夫歿氏哀慟不食死

徐文仁妻張氏 何李安妻王氏 項浩妻徐氏

徐景初妻葉氏 胡文讚妻徐氏 邵銓妻項氏

楊相妻徐氏 劉思妻徐氏 張胡奕妻程氏

徐繼洪妻王氏 李魚妻范氏

國朝

徐文源妻邵氏

題旌冊年十七歸徐甫一月文源病
氏罄奩貲供湯藥三年文源卒先是

文源病劇時泣謂氏曰我死無子爾年少家貧無
倚當奈何氏曰君如不幸妾亦從君後耳及沒氏

親視含殮殮畢即投繯死雍正四年具題奉
旨建坊旌表

徐瑞蘭妻朱氏

題旌冊年十九歸徐二十三而寡遺腹生子名鳳詔舅老而耄繼姑逼之

他適不從則裁其飲食磨折百端氏絕無怨色嘗抱子而泣曰吾所不死者以夫僅此一綫耳守節

三十一年雍正九年具題奉

旨建坊旌表

何養復妻邵氏

題旌冊年二十六而寡事姑撫子守節三十八年雍正十一年具題奉

旨建坊旌表

表

蔣文遠妻翁氏

武義縣志順治三年婺尚未平氏避亂深山為遊兵所執欲汙之不從行

三里許至施村墜馬躍入塘中死

倪世陞妻程氏

金華府志夫死年二十聞有欲強娶之者奔赴母家號慟不食取針線密

縫裳衣次日聞輿至親持斧破其輿投池水而死邑令申詳旌其閭

何李奴

武義縣志許配顧兆吉兆吉貧不能支父母背盟強之別適氏涕泣跪諫不允且曰吾為

汝擇佳壻耳氏泣曰烈女不更二夫吾忍因貧而背之乎遂閉戶自經死是夜隨見夢於夫時年十六

徐氏三節

武義縣志湯氏徐世菊妻夫死年十九遺腹生子學乾撫長娶劉氏年二十一生子

應序學乾死應序娶劉氏年二十應序又死一門三寡緝績度日

吳氏二節

武義縣志管氏吳世賢妻年二十五金氏吳世傑妻年二十夫相繼亡上有老姑下

有穉子二氏妯娌相依苦守
撫養事姑甘脆寒暑無間

周宗鼎妻朱氏

公舉事實名珍孀年二十五夫亡家貧鬻奩具殯葬撫二子光熙光煥皆

為諸生歷今三十
五載年五十九

倪士佳妻葉氏

公舉事實年十八歸倪生子甫週夫卒氏年二十二即為夫營葬虛其右

以示同穴教子如嚴師守節至八十歲臨
歿猶兢兢以守家法勤耕讀訓其子孫云

湯思學妻徐氏

徐崇勲妻鍾氏

楊起震妻邵氏

徐學粹妻朱氏

王之藩妻徐氏

倪世佳妻王氏

何嘉猷妻徐氏

陳福綏妻孫氏

顧愈妻應氏

湯徵伊妻陳氏

徐學勤妻王氏

邵日寅妻柳氏

徐應祥妻蔣氏

徐光國妻何氏

王家仁妻孫氏

周思敬妻吳氏

徐應能妻王氏

徐琥妻陳氏

蔣子輝妻徐氏

胡唯義妻王氏

浦江縣

宋

凌楠妻何氏

浦陽人物記名道融字處和諸暨人善讀書鼓琴年十九歸楠一年而楠亡遺

腹產一子曰堅晝夜教以學俾從陳亮游及堅能與薦書以姓名自見於諸君子間喜曰吾之不死

待汝者欲持以見汝父於地下耳
汝益勉之紹熙元年卒年五十一

元

戴銘妻倪氏

浦陽人物記名宜弟縣之興賢鄉人年二十為同里戴銘妻三十而銘亡生二子泳洽甚幼銘家故貧氏上下無所倚托米鹽日以不給乃飲泣就麻枲夜分燈屢涸猶甃甃在機杼間歷三十年始能葬舅姑父母及夫之喪教其子成人又二十一年而終

明

鄭洪妻石氏

金華賢達傳洪為內藏庫提點以累死妻石氏例當配絕粒者十日人勸之泣曰吾為義門婦今夫既死何以生為遂縊而死太祖聞而嘆曰真義門婦也

鄭瀛妻黃氏

宋瀛鄭節婦傳名琇字守貞歸瀛字仲容年甫二十明年仲容醉患疽流注肌

竅間一漬一興守貞扶掖卧起附膏於紙而更敷之雖甚久無怠意又六年仲容歿守貞自矢不再適屢有撼之者不少動寒燈孤幌澹然自安命從子柑為後及見柑授室生二子始受其養

陳氏三節

浦陽續人物記毛氏陳彥雲妻彥雲卒於金陵子厚在襁褓毛矢志堅守撫厚長成

娶張氏女生子現甫彌月而厚復亡張時年十七姑婦相依撫現成人現娶董女未幾又沒董始姪五月後舉男遂以遺腹名之家計蕭然紡績度日遺腹十歲患瘋痺五載偃牀褥董焚香告天願降罰己身以贖此子遺腹忽然步履如常董麓曉翰墨口授孝經教之書家計日窘代人充糧役計月取直為膳養資時二尹朱某憐其事為娶黃女配之夫婦盡孝生四子

魏氏二節

方孝孺魏節婦傳趙氏名第寧海人歸浦江魏順之生二女而順之卒婦年二十四

以猶子校為嗣誓不他適其兄憐之潛受同邑婁氏聘強迎之歸婦堅不為動校甫七歲教養成立娶同邑應氏生男女各二而校亦早世應年二十九統業惕勵無毫髮增損於前人人皆以為善繼志

孫廷佐妻潘氏

浦陽續人物記嫁逾年夫病劇謂曰吾死奈爾年少何氏泣誓從死削竹

牌數寸刻死節二字夫亡水漿不入口家人云夫無子遺爾死誰為祭奠強執喪三年父欲奪其志氏即入房自經人趨解之已死竹牌猶握在手

張應華妻陳氏

浦陽續人物志名卯應華貧賣薪自給氏每典衣以供甘旨甫一年應華

從軍戰亡氏屢闔門自經小姑同處屢解之服除
父母私與舅姑議更嫁小姑以告氏曰吾嫁自有
處應在後門耳小姑不喻其意及娶者昇輿至氏
潛往後門投池中死池素濁自後水清人以為異
倪子材妻錢氏萬厯金華府志名妙淑年十九適子
材逾年而子材卒欲縊以殉衆止之

越五月生子里有慕其容德欲娶之者
錢剪髮以絕之孀居六十餘年始終

樓氏三節

浦江縣志樓恩妻陳氏歸四年生子秩而
恩歿食貧撫孤長娶張氏生一子秩又歿

張年二十三矢志與姑相依為命壽五十七先陳
歿又恩之從弟臺妻趙氏年十九孀守八十餘歲
卒

張應桂妻鄭氏

金華府志嫁逾年應桂因痘劇語氏
曰爾年少必不可守氏即剔一目以

見志應桂卒將舉喪浦俗凡欲再醮者不送夫喪家人匿不以聞氏覺奔赴二里許隔溪望見欲投水死婢強扶之始渡後遺腹生女亡繼叔子為嗣又亡而氏守節不渝萬厯年旌

張明經妻潘氏

金華府志年二十二而寡抱孤續繼供舅姑菽水者二十八年姑死撫棺

慟絕復蘇詔子若婦曰愧不能終養汝祖汝其善承吾志言畢遂卒年五十

樓如春妻張氏

舊浙江通志性至孝母病割股為餌侍湯藥不解帶者五閱月年二十夫

亡子繞襁褓氏守節四十餘載教子及孫年至七十一卒旌曰節孝

周思諒妻吳氏

戴壇妻張氏

張子瀟妻樓氏

樓瑛妻于氏

樓孟華妻陳氏

鄭崇對妻張氏

張元京妻鄭氏

張元本妻周氏

張元政妻方氏

石子信妻朱氏

傅豹妻鄭氏

傅宗清妻朱氏

金宗貴妻蔡氏

傅思厚妻張氏

徐廷康妻樓氏

鍾廷彬妻張氏

國朝

凌孟順妻鄭氏

舊浙江通志年十九夫亡遺娠生子元輅紡績教之年五十餘卒邑令上

其事具題奉

旨建坊旌表

吳明燧妻陳氏

金華府志嫁二載明燧病彌留時呼氏曰爾年少可任爾意氏截髮誓不

獨生刲股以進明燧竟亡氏欲以身殉鄰姬慰之
曰子甫週耳將誰托氏乃忍死撫孤家人覬覦遺
業氏力持終不能奪康熙十二年奉

旨建坊旌表

張德冠妻鄭氏

題旌冊康熙甲寅夫死於賊氏時年
二十七痛不欲生以舅姑年老子女

俱幼乃止孝養撫育白首完
貞康熙五十一年具題奉

旨建坊旌表

表

張以琳妻朱氏

題旌冊年二十六夫亡長子守潮二
歲次守擇遺腹也夫弟以瓏夫婦繼

歿遺孤二人氏以一身兼撫子姪俾俱成立
又能勤儉銖積家業倍增守節二十六年

金階妻張氏

題旌冊年二十七而寡無子欲自殉舅
姑為立嗣乃恩勤撫育長為諸生事舅

姑以孝守節四十年 以上
二氏俱雍正十年具題奉

旨建坊旌

表

倪仁祐妻朱氏

倪仁禴妻張氏

張德嗣妻鄭氏

湯溪縣

明

張君會妻鄭氏

萬厯金華府志年二十三而君會卒
當元季兵革擾攘備厯艱險克全節

義年八十餘終太
史蘇伯衡傳其事

江彥傑妻周氏

萬厯金華府志年二十四而夫卒父
母欲奪其志引刀自誓曰與其失節

而生母寧全義而死乃止
卒年六十八成化年旌表

胡宗寧妻洪氏

萬厯金華府志少寡撫孤勤儉事姑孝年七十餘終從子胡彥莊妻章氏

亦早寡家人欲嫁之章曰妾不能效阿婆守節而更適他人何以見夫於地下備厯艱辛終以節著

諸可素妻胡氏

湯溪縣志許字可素可素癩辭婚氏泣請曰既已納采問名無別醮之理

父不忍違其志遂嫁之數月疾益篤服事匪懈一日可素給之出而自經氏不勝哀毀願以身殉者數四為妯娌所救遂盡剪其髮貯以小盒封付乃父曰誓不變志忝我所生年七十餘卒

祝宗表妻胡氏

萬厯金華府志年二十二而寡有富室欲娶之氏以死自誓筑筑子立躬

勤蠶績自給年六十餘鄉里欲上其事胡曰婦人守節分內事耳衆論韙之

江顯妻翁氏

萬曆金華府志顯尹江寧病卒氏年二十五子大有在襁褓扶柩歸葬貧撫遺

孤叔欲奪其志氏厲聲曰吾身可死夫之清白不可玷也有司旌其門

章以傑妻劉氏

舊浙江通志早寡會姑亡鄰居失火氏撫柩長號俄而反風滅火時有括

寇入其鄉聞其節孝不加剽掠郡縣旌焉

伍氏二節

金華府志洪氏伍福妻年二十五夫亡撫遺孤鳳娶妻李氏年十八生子纔百日鳳

又亡姑媳形影相依終身不二

朱氏二節

湯溪縣志應氏朱某妻年二十二夫死守節子袍妻應氏年十九亦孀居時稱栢舟

雙節

胡維妻劉氏

戴士嶠妻祝氏

朱德剛妻楊氏

洪瑚妻楊氏

張良辟妻陳氏

張良琬妻洪氏

胡邦憲妻洪氏

章三保妻錢氏

張應烜妻范氏

劉孟英妻邵氏

胡萬全妻金氏

張思仁妻葉氏

范唐賢妻洪氏

陸可謙妻胡氏

胡良忠妻陳氏

洪仲鏡妻范氏

范正雅妻章氏

范良翰妻華氏

國朝

李大翰妻程氏

舊浙江通志年二十二孀居歷四十餘年康熙十二年具題奉

旨建坊旌

表

胡岳鍾妻鄭氏

題旌冊年二十五夫亡矢志靡他躬織紉以事舅姑撫孤子足不踰閭

章在中妻陳氏

題旌冊年二十七夫亡事舅姑撫遺孤白首一節以上二氏俱雍正六

年具題奉

旨建坊旌表

胡茂先妻盛氏

題旌冊年二十夫亡遺一子親屬勸之改適剪髮髻面觸牆墮地幸老婢

救甦牆跡猶存守節四十四年雍正十一年具題奉

旨建坊旌表

張鼎立妻趙氏

題旌冊年二十一而寡立姪鴻緒為子守節三十四年雍正十三年具題候旌

鄭宗元妻祝氏

湯溪縣志有姿色順治丙戌夫婦避難邵家源遇兵掠氏宗元尾其後行

至一巖下有深潭氏投入潭
中宗元亦急救之相抱而死

胡朝鈇妻豐氏

洪有思妻胡氏

洪士遇妻黎氏

胡廷試妻陳氏

胡允讓妻章氏

陳獻奇妻虞氏

范仲韜妻胡氏

胡景鴻妻王氏

胡允端妻王氏

陳明昌妻吳氏

洪廷才妻胡氏

洪鼎圖妻汪氏

張源聞妻金氏

胡如芳妻魏氏

潘起光妻章氏

陳以祿妻張氏

范嶠妻胡氏

伍琰妻伊氏

魏良慶妻徐氏

祝遇奇妻胡氏

衢州府

西安縣

元

沈忠顯妻孫氏

弘治衢州府志居衢城北隅夫為百戶大德間從征雲南陣亡氏盡禮追

遠家貧子女俱幼躬紡績貿粟訓子讀書既長襲職封恭人旌

祝氏二節

衢州府志祝寄生妻陳氏西安人元末紅巾賊亂氏孀居年二十四被掠不屈辱賊

割其兩乳殞絕時彷彿聞人語曰嚼菖蒲飲澗水可愈如言果獲安年七十三而歿媳吳氏年二十八守志壽九十

二歲兩世完節

明

陳彥文妻龔氏

弘治衢州府志西安人年二十一生子文幾週歲夫亡痛哭二日不食姑

曰死生有命汝能善養吾育吾孫無愧婦道足矣龔即節哀奉舅姑素服澹如誓不再適

徐思誠妻鄭氏

宋濂徐貞婦傳名妙靜舅歿思誠出卜藏地舟覆溺死婦葬舅與夫養姑

撫二子謙貞俾從醇儒學雖寒燈涼幌人不能堪婦處之裕如父母及諸姊憫其年少欲使更醮婦曰吾夫固亡有二子在脫無子姑老義亦不忍去即引刀斷髻以誓聞者懼不敢撼二子成立謙為瀧水丞洪武三年旌表其門

夏顯七妻蔣氏

續文獻通考夫亡時年二十二子在襁褓值元末兵亂備嘗艱險誓不改

節洪武中
旌其門

楊智二妻陳氏

弘治衢州府志年踰二十夫亡父母欲強嫁之氏以死自誓孝養舅姑

謹按衢州府志據楊氏譜作楊志達妻

海仕倫妻方氏

弘治衢州府志年二十三夫亡誓不再適孝養翁姑撫幼子成人孀居四

年十

楊鏌妻胡氏

嘉靖衢州府志鏌客死於閩氏年二十四或勸其再醮氏以刀斷髮家貧紡績

事姑後年至八十五卒巡按奏旌其門

何克讓妻徐氏

嘉靖衢州府志年二十二而寡子幼氏善事舅姑嘗割股和藥姑疾遂愈

年八十
六卒

張廷濟妻黃氏

嘉靖衢州府志年二十二夫亡無子墓旁被火氏獨守廬墓至七十歲終

黃貞女

兩浙名賢錄名玉瑩許聘周天寵未嫁而天寵病瘵黃知必不起堅求侍疾父母不能強

命之往夫一睹氏目遂瞑氏時年十九慟哭盡哀送葬途有高壑將投之侍婢夾持而免自是每袖一繩以誓必死悉散衣飾於妯娌姊妹惟圖天寵像朝夕哭奠如初喪數年嘔血死年二十六

舒昌妻吳氏

嘉靖衢州府志年二十夫亡遺腹一女勵志守節卒年八十六行輩四人俱年

少守節由
氏化之也

劉璉妻鄭氏

西安縣志年二十夫亡父母憐其年幼家貧諷令他適鄭遂與父母絕甘紡績

以撫遺孤守節
七十九歲終

胡彥清妻王氏

嘉靖衢州府志年二十五夫亡姑使
他適氏不從年七十六卒常折梅花

二枝插夫靈前逾月結
實數顆人謂節操所感

朱正妻葉氏

嘉靖衢州府志正有惡疾氏事之不少
懈年二十正亡家貧無子守節五十餘

卒年

方銓妻沈氏

嘉靖衢州府志年十七夫亡
家極貧無子守節五十餘年

杜應驕妻徐氏

衢州府志年十七而嫁未及期而夫
亡斷髮為誓事孀姑四十六年姑死

氏卒

黃金娘

崇禎衢州府志黃良之女許配王子智子智亡金娘請於父母往王氏成服服除有富民

胡姓欲聘為子婦母勸之不從守節五十餘年卒

孔聞勉妻徐氏

西安縣志夫疾侍奉湯藥衣不解帶者三年兼事舅姑親操井臼夫亡發

引逾七日赴井而死貼體衣裳密縫絨綫已被旌萬厯間督府委官祭奠立石於墓

徐和妻吳氏

崇禎衢州府志和亡氏年十八遺腹生子家貧或勸其改嫁不從後撫孤成立

詔旌其門

吳氏二節

舊浙江通志吳銓妻桂氏銓亡桂矢志守貞育子孟杰亦早卒妻黃氏與姑共矢志

藥紡績自給

鄭氏二節

舊浙江通志鄭樟妻杜氏夫亡守節子
姓娶毛氏姓沒毛氏與姑矢志同守

葉氏二節

崇禎衢州府志張氏葉十二妻十二死氏
年十八遺腹生女父母欲嫁之不從立從

子良桂為嗣娶鄭氏良桂亦亡鄭守節與姑
俱以壽終葉族為二氏立祠置祀田致祭

孫氏二節

崇禎衢州府志鄭氏孫正記妻年二十二
正記亡子枝美娶葉氏年二十七枝美亡

婦姑俱
以節著

葉元會妻陳氏

崇禎衢州府志元會死孝
事舅姑舅姑卒氏縊而死

楊仲然妻鄭氏

舊浙江通志嫁半載夫亡無子事翁
姑孝撫叔子為嗣孀居五十三年

謹按西安縣
志作楊仲熊

徐氏三節

衢州府志葉氏徐良斌妻年二十八夫亡守節五十五年子應衢娶鄭氏年二十應

衢亦亡親族逼之改嫁鄭氏搗子大成居母家守節五十二年大成亦娶鄭氏大成亡鄭年三十事姑

訓子卒年

五十三

胡可及妻徐氏

舊浙江通志年二十四夫亡撫孤成立事繼姑尤謹姑病顚天願減已壽

以愈姑疾隣火及廬烈焰遽返人謂苦節所感年七十一而卒建坊旌表又胡可宗妻鄒氏年十九夫亡守節五十餘年有司旌其苦節

王招娘

衢州府志守備王英女年方及笄明末兵至懼為所污赴余氏祠池中死

鄭道翼妻方氏

衢州府志明末為亂兵所獲氏乘間赴河而死又馬氏葉應愷妻亂卒將

犯之氏大罵從樓上赴池死劉氏程國駿妻兵入其家氏恐辱以簪珥散擲之乘間投井死周氏程四妻為卒所掠亦投井死

陳景山妻鄭氏

陳餘旦妻孔氏

徐孔晟妻余氏

徐愔妻程氏

孔彥縵妻鄒氏

徐旻妻王氏

徐泰妻葉氏

沈浹妻劉氏

王文光妻胡氏

鄭孔謨妻王氏

鄭廷璘妻石氏

葉九功妻徐氏

王家傳妻楊氏

王良材妻葉氏

余璧妻朱氏

潘孔德妻劉氏

杜永恭妻徐氏

杜瑀卿妻鄭氏

翁義寶妻王氏

國朝

鄭道貫妻鄧氏

衢州府志順治丙戌道貫為遊兵所刃氏年二十二兵欲攜之去氏以頭

觸柱血噴面佯死卒乃已氏尋夫屍以床褥裹之哭守於傍三日乃得殯家貧事舅姑無缺職守節五十餘年康熙二十四年奉

旨建坊旌表

劉一鍾妻呂氏

題旌冊夫亡事孀姑孝姑年九十雙目替氏朝夕以舌舐之目復明撫孤

子家貧不能從師口授詩書俾得成立雍正三年具題奉

旨建坊旌

表

駱玉獅妻祝氏

題旌冊年二十四而寡有不諒其志者遂號泣曰吾上不得盡婦道下不

得盡母慈不若一死以謝亡人遂破額仆地以求自盡人言頓息於是孝養舅姑喪葬盡禮撫育遺

孤克成家業守節四十三年雍正十一年具題奉旨建坊旌表

孔尚朝妻葉氏

舊浙江通志聖裔孔衍禎之母年十九夫歿事舅與繼姑備盡婦道鞠育

藐孤易以祖德至今前承宗祧上荷皇恩皆母以一身慈節開之

周良俊妻李氏

舊浙江通志年二十夫亡叔欲奪其志遂斷一指以示無二家貧甚炊烟

常不舉鍼紉鋤口已食糠餅而勉致甘旨以奉姑次子召筮仕鳳縣氏得受封年七十二而終

孔貞澄妻葉氏

西安縣志夫亡年二十翁姑垂白生子彌月百計支持養老字孤甲寅避

亂窺身草莽林棲穴處以草芽木甲充食
事定歸里結茅以蔽風雨卒年六十七

余光傑妻吳氏

西安縣志夫亡氏年二十三生三子
方罪革時氏攜子奉姑匿敝樓複屋

上為卒窺見懼辱遽觸樓下死卒去久之魁竟折
一臂家貧辛苦拮据僅給姑與子饘粥而已常竟

日不食晚年三子
成立年五十一卒

吳氏二節

衢州府志余氏吳一尊妻年二十六夫亡
守節六十年子時初娶陳氏亦歿陳年二

十三遺腹生子憲家貧事姑
訓子以節孝稱年七十二卒

余尚諤妻鄭氏

西安縣志夫亡氏年十九遺孤三齡
斷髮自矢事姑撫幼辛勤備至臨歿

戒其子不得舉佛事
廢喪禮尤閨閭所難

鄭榮組妻徐氏

衢州府志榮祖父為族弟所擊榮組往救之遂死其冬榮組父亦死明年

氏子五元七元遇其人於途噓之墮其鼻其入控於縣縣逮五元兄弟氏詣縣訴之署令不省氏觸石碑而死時康熙戊辰六月也典史為置柩露置於城西鐵塔下乙亥春知縣陳鵬年費地備禮以葬復建孝烈祠於墓傍以祀之

鄭文顯妻徐氏

西安縣志夫亡氏年十九家無期功之親以隻身事祖姑及姑三世孀居

一堂奉養盡瘁訓子嚴毅有法年八十二而歿

徐學詩妻余氏

西安縣志學詩家貧與氏依苦茅咽糠粃度日康熙乙亥迫於逋負值歲

暮惶急自經死氏撫屍一慟為薄置殯具藁葬訖即閨門自縊於夫死處距夫死恰一日時年三十

杜斌妻徐氏

衢州府志年二十餘夫疾割股者再夫死孝事舅姑舅姑歿氏哭泣喪明卒

方應璫妻徐氏

西安縣志夫亡氏年二十七二子幼家貧紡績度日洎子長擇配既成禮

曰可報亡者於地
下矣一慟遂絕

徐敦一妻王氏

西安縣志年十九夫亡遺孤殤繼夫弟敦三子又殤老而益貧雖糞鹽不

自給

左秀方妻龔氏

鄭元霖妻王氏

鄭維藩妻梁氏

徐應科妻張氏

吳國祥妻葉氏

吳應先妻葉氏

鄭鴻翼妻葉氏

鄒兆鵬妻鄭氏

余應震妻吳氏

徐應金妻鄭氏 范維鼎妻徐氏 葉九馥妻徐氏

楊在鎬妻鄭氏 葉文豹妻黃氏 孫天錫妻孔氏

王大厦妻蔡氏 徐元造妻張氏 鄒邦鎮妻陸氏

葉時璠妻鄭氏 鄭鍾璟妻陳氏 余和中妻鄭氏

余兆賢妻徐氏 張于翼妻劉氏 徐可敬妻程氏

留弘道妻徐氏 吳學儀妻鄭氏 吾某妻余氏

陳尚珽妻梁氏 葉鍾穎妻黃氏 葉景富妻鄭氏

葉上喬妻吳氏 葉時增妻黃氏 程國定妻王氏

鄭升亨妻方氏

鄭新鼎妻魏氏

尹永八妻倪氏

邵尚仁妻黃氏

胡國采妻祝氏

范維暹妻鄭氏

胡永錫妻黃氏

胡崇德妻杜氏

胡永忠妻王氏

余兆登妻徐氏

留大倫妻徐氏

張義峻妻徐氏

鄭中銑妻徐氏

吳天貴妻嚴氏

葉嘉猷妻徐氏

潘瑤妻陳氏

江應麟妻鄭氏

吳學廣妻李氏

吳學政妻鄭氏

徐鍾禕妻李氏

余亨泰妻鄭氏

葉某妻鄒氏

龍游縣

宋

劉愚妻徐氏

宋史隱逸傳龍游人在家時其母將以嫁姑子之富者徐泣曰為富人妻不願

也遂歸於愚居破屋中一事機杼愚嘗懷白金歸徐怒曰我以子為賢而若是亟具歸愚出書以示束脩得也乃已
有梁鴻之風焉

元

何烈婦

草木子至正間衢州陷龍游有一大家婦何氏為兵所掠裂帛題一詩云江靜從教沉弱

質月明誰與弔孤魂只愁父母難相見
願與來生作子孫書畢即投於江而死

明

夏氏三節

明一統志夏應保妻王氏文達妻袁氏文質妻邵氏俱青年喪夫相繼守節厯元末

亂離中無少玷缺洪武初旌其門為夏氏三節婦

夏道順妻黃氏

弘治衢州府志嫁未期道順出為商越三年病歸卒宗人利其產將奪其

志矢死靡他守節沒齒

勞載是妻董氏

續文獻通考字貴珍年二十適勞未三月而載是卒服闋姑憐其少無子

勸改適貴珍剪髮自誓姑不復強孀居三十七年詔旌之

葉廷慶妻周氏

弘治衢州府志名菊娘年十八嫁廷慶甫一載廷慶客死菊娘守志始終

一節事
聞旌表

陸奎妻杜氏

嘉靖衢州府志年二十三夫亡家人強其再適因剪髮示志年八十五卒事聞

旌表

徐蓮姑

萬應龍游縣志許字方鍾鍾流落死於外蓮姑聞之即編素舉哀力請歸方舅姑難之時

杜謙求為配姑哀慟斷髮欲自刃以救免謙他日給公家帖來脇姑大罵裂其文後度不免佯許入具膏沐人不為備乃閉戶更衣自經死時年二十八嘉靖中詔立貞烈祠祀之

余克量妻徐氏

萬應龍游縣志克量死有娠三月家人投藥墮其胎徐大慟歸母家母家

貧復慮為所奪因蓬首垢面局一室獨居避人卒獲全節

余久齡妻徐氏

嘉靖衢州府志名儀姑年十八嫁久齡越歲生子甫七日久齡亡族人欲

奪其志不從乃以子歸母家
俟子成立而還年六十卒

葉饒宗妻傅氏

萬厯龍游縣志年二十三而饒宗死遺二孤人利其嫁為議婚乃斷髮持

兒慟曰是覆葉宗必欲吾嫁有如此髮議者慚而退守節終老

祝公廉妻呂氏

萬厯龍游縣志名菊姑公廉父以里胥輸賦死南京公廉亦尋卒氏年十

九有遺腹三月乃貨簪珥至喪所扶柩歸孝事其姑克家昌後

陸榮妻勞氏

錢德洪陸節婦傳名葵年二十歸陸八年而夫亡時子順中在姓哀頓屢絕先

是生子皆不育及生順中憂不彌月病鬱成癰常指誓曰吾身視此子為存歿比長病亦漸間欲延

徐右山為順中師人曰行峻難近對曰嚴師所以尊道也延徐數年不就他塾卒年五十有六

項永實妻吳氏

萬厯龍游縣志永實客死嶺南吳聞抓地哭十指流血夫喪歸誓欲殉家

人共守之少怠即沐浴服斬衰肉外衣手自聯綴自經死年二十四

尹泗妻王氏

萬厯龍游縣志泗病經歲日事湯藥火撲傷左目泗垂絕數顧王不能舍氏泣

曰君其欲妾同死耶妾不即死欲具君後事耳因自經於榻後先是泗兄濬妻吳氏亦以節旌

何氏二節

萬厯龍游縣志王氏何克譽妻歸一年譽卒隨自經衆救得免譽弟克興妻葉氏年

十五興病瘵卒撫育遺孤與王氏竝以節終

葉六姑

崇禎衢州府志許字方世薦世薦死六姑聞訃哭絕而甦以甌擲地曰所不堅女節奉姑

璋紹後嗣者有如此既遂焚刺繡絕飲食號慟四
日夜父母知不可奪歸於方侍姑辟廬治生姑病

割股以療萬
歷間旌表

徐榮廣妻錢氏

衢州府志年二十五而夫亡子尋死
族人勸之嫁氏詈而拒之年七十卒

毛一清妻李氏

萬歷龍游縣志年二十嫁一清一清
客粵死喪歸口齧斷絛欲入殉以救

免三年姑逼之嫁誓死不
從死之日肌骨無人形

周錦姑

萬歷龍游縣志許字胡松松商久不歸其翁
往覓松松死於道訃聞即奔歸侍姑姑將諾

他聘錦姑泣曰婦方痛夫若舅奈何奪婦志遂
辭歸母家紡績養親年七十餘卒詔旌其門

方昊祖妻汪氏

衢州府志年十八而昊祖亡姑王亦
早寡氏事姑以孝姑死哭謂其子曰

吾向之不哭爾父者懼傷姑心也豈忘爾父哉人以孝稱之卒年九十五

龔崇勲妻張氏

衢州府志年十九而寡家貧紡績養姑夫兄強之嫁以死誓年八十卒

陳貞女

龍游縣志許字陸世揚世揚死乞奔喪父不得已命往因留不去事姑以孝稱會葉氏適

世揚弟世明亦早寡妯娌共居一閤及姑歿既葬陳慟曰婦道畢矣瞑目坐逝若羽化焉

張恒妻葉氏

衢州府志恒卒氏年二十坐卧一樓婢僕過十三者即擯不用不下樓者五十

餘年卒年八十六

葉宗武妾趙氏

衢州府志崇禎二年兵圍薊州宗武戰沒於陣氏被執死之

張尚愷妻徐氏

衢州府志尚愷死矢志撫孤孤未幾亦歿氏遂不食死

劉敦厚妻詹氏

衢州府志適劉兩歲生一女而敦厚歿族人盡鬻其田氏緝績以給朝夕

年五十

六卒

余瓘妻徐氏

尹恢妻張氏

龔世亨妻葉氏

張季芳妻徐氏

國朝

席廿二妻方氏

旌表冊廿二置酒宴客同席有尹眷廣者知廿二與妻異室而寢席散即

於是夜潛入氏室欲犯之氏驚起大呼持刃力拒眷廣奪刃傷氏咽喉而死時雍正二年七月二十

五日也獄成具題奉

旨建坊旌表

舒明逸妻張氏

龍游縣志年二十餘明逸卒將以身殉念遺孤在抱欲撫之成立遂身刺

守節二字深入膚裏年四十餘卒溧陽陳名夏為作傳

張旭初妻胡氏

衢州府志歸二載而夫卒將自殉舅姑以遺孕慰止之及生女姑貧欲奪

其志氏度不免投藥酒中飲之而卒時康熙八年年三十

汪懋典妻徐氏

龍游縣志未嫁時懋典即患風疾不起父母舅姑皆欲離婚徐矢志不從

遂適懋典匝歲生子而懋典卒徐苦節自甘年踰七十媳祝氏亦少寡人稱雙節

王淑斌妻師氏

衢州府志家貧事舅姑孝康熙三十六年淑斌卒無子氏視含殮畢因祭

於祖廟伏鴆而死

余燠妻徐氏

陳世炳妻舒氏

陳世炳媳余氏

毛光翼妻祝氏

常山縣

明

何與適妻范氏

續文獻通考年二十夫亡撫孤兒奉舅姑雖極貧窘終無二志正統間旌

鄭儼妻楊氏

嘉靖浙江通志夫早卒子憺甫周歲守志養姑百艱不變成化間旌

王孚妻鄭氏

弘治衢州府志歸王一載夫歿勵志守節撫孤子養病姑以老有司上其事

張貞善妻楊氏

嘉靖衢州府志年二十夫亡無子姑欲更嫁氏曰吾知為張氏鬼耳成化

旌年

鄭純英

崇禎衢州府志鄭璜之女許聘汪璩璩溺死

夜伴狂大呼有鬼守者皆走遂自縊死成化二年五月也璩樞經其門不能進璩出弔告以女死故

舟遂行

魯貞女

萬厯常山縣志幼孤育於叔父母許配徐洛將娶洛死女請往視殮不得去膏沐居一室

沐浴出其時服夜深斂於體自縊死

鄭氏二節

衢州府志俞氏鄭汝興妻汝興父潔早死母祝氏年二十餘守節汝興既娶婦以解

糧死於道俞氏婚繞一年或勸之再醮氏曰吾一身志節何足計即為吾夫酬嫠母恩亦天海蒼茫

罔止極也
縣旌雙節

詹天涵妻江氏

萬厯常山縣志天涵病癘江氏來歸相愛無斃也以小失姑怒而出之父

勸之嫁江曰吾既不嫺於姆訓失愛於姑負慙多矣吾夫又不幸病廢若乘其小異而有他志人其謂我何俟姑怒少怠吾且歸視夫病望無出此言父私與開化人約得三十金江聞之懼其見強自縊而死

詹啟元妻王氏

萬厯常山縣志啟元不知誰氏子詹如金丐於京師逆旅中名為已子欺

王氏而娶焉既歸始知之啟元又慙嘉靖間如金之家燬既而遭訟客死啟元攜氏依婦翁翁耻之欲逐啟元王泣曰始之不審即吾命矣逐啟元吾必死翁不敢逐乃誘啟元出王氏將別嫁之王覘

知乃縊而死

江子宏妻徐氏

衢州府志名蓉姑年十八子宏歿無子有欲奪其節者輒唾之家貧其姑

樊亦早寡坐卧一室若母
子然嘉靖年縣旌雙節

徐金閨妻鄭氏

衢州府志年十九金閨亡久之小叔負官鉅被逮姑年老驚悸氏脫簪珥

鬻田產以代償叔始免氏年七十餘金閨同族金澄妻趙氏金清妻樊氏俱早年守節時稱雙井頭

徐門三節

鄭平姑

萬歷常山縣志許字詹人偉未婚人偉亡訃聞立志苦守三年父母勸其改適遂斷髮碎

面冰霜砥操二十餘年而卒

楊子善妻徐氏

萬歷常山縣志隆慶六年二月夜有數盜入子善家呼之出擒縛外庭徐

氏與妻在室中盜在門脇之曰汝可從我否則與汝夫同死氏度不免使妾以好言款賊而身急趨出房後門投井死兵巡道戒縣大索賊巡捕官無以塞命謀托諸姦以自解士民不平操文刑牲祭之然後巡捕之謀不行而徐節始暴

徐鏞妻戴氏

衢州府志鏞死無子氏年二十一家貧紡織事姑姑病疫晝夜扶持無少懈後

年老不能自給族人徐深饋以薪米凡守節七十一年

胡公讚妻江氏

常山縣志年二十夫亡遺腹生子家貧敬養舅姑舅姑卒子亦歿或勸之

改嫁剪髮毀容誓不易節

鄭晃妻徐氏

詹瓊妻徐氏

徐錦妻樊氏

徐光陞妻鄭氏

樊良樟妻徐氏

江本妻胡氏

張應善妻徐氏

程名岡妻詹氏

詹尚淳妻姜氏

國朝

程舜日妻魯氏

衢州府志夫亡年二十七家貧夫兄欲令改適氏毀容破面守節六十年

康熙十年奉
旨建坊旌表

楊瑞舉妻徐氏

題旌冊年二十七夫亡二子幼事舅姑孝姑病瘋氏日奉湯藥夜侍床側

歷久
不懈

徐渾妻邵氏

題旌冊年二十五夫亡二子幼矢志守節事舅姑以孝聞以上二氏俱雍正

五年具題奉

旨建坊旌表

徐敦彝妻章氏

題旌冊敦彝應試姑病氏禱天求代及沒傾篋筭以殮人稱其孝年二十

八夫亡二子在襁褓一子在腹家貧有謀奪其志者氏引針刺右目血淋漓以示乃止紡績課子皆

泮入

汪廣洙妻徐氏

題旌冊年二十六夫亡無子將葬其夫命工營二穴以見志侍姑病十二

年朝夕扶掖不懈以上二氏俱雍正六年具題奉

旨建坊旌表

表

樊堯廣妻張氏

題旌冊年二十二夫亡無子抱叔子之鑰為嗣年僅三齡氏辛苦撫教有

成守節三十三年雍正七年具題奉
旨建坊旌表

王佩琚妻徐氏

題旌冊年二十四夫亡子幼力營三世宅兆延師訓子不為姑息守節三

十一年雍正十二年具題奉
旨建坊旌表

張秉薦妻徐氏

衢州府志順治初馬士英驅衆南奔大肆劫掠秉薦為亂兵所擄氏脫簪珥

往救兵見氏色麗欲逼之大罵兵加以刃即引頸受兵終愛其色不忍殺牽其袂氏即斷袂兵怒三斫其尸月餘秉薦歸殮顏色如生

毛應兆妻江氏

衢州府志應兆任鎮江守備氏在家順治四年四月白寇李能七等劫掠

氏為賊所獲欲污之
不從至麻溪灘死焉

江氏三節

衢州府志張氏江之崑妻曹氏其媳也甲寅夏之崑為賊所殺張氏曹氏求自盡孫

女如娟大呼曰請先母死毋取辱
賊怒先勒殺之二氏亦皆自縊

徐氏四節

衢州府志詹氏名三娘徐明備妻素有節概甲寅夏賊入城氏恐辱與女小答俱投

隣井死數日賊退出之顏色如生時又徐秀姑徐明琦女賊薄城姑年十六夜與父訣明旦閉樓自縊死又王氏棠姑徐文瑛妻夫婦避兵村中文瑛病卒氏哭泣將死家人以舅姑在諭止之數日賊至掠之去氏曰我寧死豈為賊所逼以首觸刃賊斷其喉而去

姚紳妻楊氏

衢州府志甲寅夏賊據婦女數十人縛之去氏亦在所繫中既登舟乘間躍河

而死時年二十又王氏名富妹周正徵妻為賊所擄不從投井死又常山婦不知其姓氏賊將犯之不屈死又一女未笄賊驅之入營投井死

俊姑

衢州府志徐生之妻生一子甲寅被掠俊姑沿途罵不絕賊懼以刃益大罵遂死賊去且數里

其子猶伏屍而乳賊有後至者異之令他婦抱之起尸忽張目視乃以土掩之訪徐生而歸其子

徐光旭妻王氏

衢州府志氏昌化人常山徐光旭納之閩賊破常山氏自縊以救甦七竅

流血雙目突出賊見而義之勿犯其家是年八月光旭為黃巖教諭以拒逆命避山中不食死氏守

節二十四年而卒

葉日光妻程氏

常山縣志年二十九夫亡四子俱幼教育有成少子馨中康熙辛卯副榜後氏

年七十四命諸子葬父即絕飲食謂諸子曰我今可報汝父於地下矣遂逝諸子即卜日合葬焉

邵禮培妻徐氏

常山縣志年二十一夫亡子殤家故貧紡績以佐晨昏平時閉閣靜處不

苟言笑守節

五十餘年卒

徐應鈐妻程氏

衢州府志夫亡氏年二十四家貧事姑育子姑歿負土築墳有羣鳥啣土

之瑞

徐銘珣妻金氏

衢州府志年二十八銘珣亡家貧子幼守節數十年後以饑死

鄭振象妻程氏

衢州府志年二十夫亡家赤貧有迫之改適者輒引繩自縊人驚救獲免

繪夫像於堂朝夕奉膳如生歷三十餘年以苦節終

徐起時妻祝氏

鄭伯藥妻邵氏

詹日燦妻金氏

詹見選妻徐氏

詹人棟妻程氏

徐采薇妻韓氏

徐守璵妻王氏

詹爾膏妻鄭氏

徐慈元妻鄭氏

楊名耀妻洪氏

汪士堦妻陳氏

邵簡妻華氏

鄭蕢母徐氏

徐光錫妻趙氏

周旭生妻王氏

徐建治妻毛氏

毛光耀妻徐氏

王良弼妻吳氏

郭有美妻祝氏

徐必耀妻朱氏

徐一福妻江氏

葉良璧妻唐氏

邵忠培妻徐氏

徐允誠妻陳氏

徐允詔妻劉氏

徐大器妻汪氏

陳述萊妻汪氏

徐煥妻楊氏

詹際熙妻徐氏

鄭允祚妻程氏

鄭啟豫妻張氏

詹爾序妻鄭氏

徐瑞嘏妻葉氏

徐珍妻毛氏

鄭明經妻魯氏

徐錦妻樊氏

徐灝妻汪氏

詹期妻樊氏

江山縣

宋

毛寧妻黃氏

正德江山縣志夫早死子豫方三歲誓不妻二姓及豫為紹興名臣封恭人

徐應鑣妻方氏

江山縣志隨夫寓臨安學舍咸淳末元師將至勸其夫歸隱不從投後園

瑞蓮池死女元娘伯顏次臨安同其兄琦崧作自悼詩二首隨父登梯雲樓縱火自焚以救免翼日

投井死

明

徐祥妻蔡氏

弘治衢州府志年二十四夫亡誓不改節所生惟一女立嗣以奉宗祀遺元季

喪亂雖流離之際志操益堅洪武初旌表

吳氏二節

江山縣志張氏吳士規妻徐氏其弟吳士矩妻兄弟相繼死王事二氏年俱二十共

撫三雛以守節稱洪武初旌表姜德政為作傳

徐某妻毛氏

正德江山縣志毛冀州女妻於徐早寡家欲奪其志氏避歸獨與母居撫孤守

節其伯欲強嫁之凌逼百端終不聽舁者夜且至毛度不免乃給之曰俟作衣履明旦從之未晚何至相迫衆以為然退而安寢毛乃沐浴更衣自縊以死

楊忠妻王氏

衢州府志忠死賊難氏年二十二守節撫孤至八十而卒

毛顯聰妻姜氏

正德江山縣志年十九而顯聰沒家人勒其嫁氏涕泣不食曰生為毛氏

婦死作毛氏鬼遂割髮垢容示不易志

王建妻金氏

衢州府志名西娘年二十夫亡遺腹生子天弟使改嫁氏以死誓年七十卒

王政妻徐氏

衢州府志名綾娘年十九夫亡夫弟王輝亦早卒與輝妻吳氏同守節吳名貞

娘後俱
以壽終

席家郎妻鄭氏

正德江山縣志嫁未逾月而席死鄭方十九家貧有欲嫁之者鄭礪白刃

自衛曰必殺媒而後已
紡績自活守志不渝

檀亭婦

正德江山縣志氏名莫詳年二十適某氏子未婚病死婦誓無嫁意或謂之曰未接衽席

之歡且無可生之資將能自存乎婦不為
動傭女工自給凡六十餘年凜然風節

劉夢覺妻嚴氏

衢州府志夫亡毀形自匿足不踰閭年近八十有虎入其室手攫之而去

邑人
異之

徐忠妻周氏

江山縣志生二子一日隨夫往母家夫抱幼子過羅娘橋忽墮水死周大慟囑

其長子歸依祖母
遂挽髮投水死

王舉妻江氏

崇禎衢州府志年二十五夫男竝亡與其婦毛氏苦志守節有司以聞旌其門

徐源妻姜氏

衢州府志歸三載而源死子化龍尚幼適有寇或勸其依人逃匿者氏引錐剔

目目眇化龍後登鄉薦
知河源縣以政績聞

王毛妻劉氏

衢州府志名科姑歸二載毛死無子氏閨戶紡績隣人失火幾及廬氏不行卒

免年八十
有司旌之

楊淵妻管氏

江山縣志年十七夫亡家貧紡績以養姑姑卒葬祭如禮母勒之改嫁氏不從

投河河水逆行十餘里若有神扶之
者得救而起年八十二卒事聞建坊

胡鼎妻施氏

徐霆妻趙氏

毛和妻姜氏

姜珊妻徐氏

姜成妻毛氏

徐顯榮妻胡氏

程錫妻徐氏

周曾妻毛氏

邵惟信妻毛氏

徐世承妻王氏

王尚文妻鄭氏

毛伏妻徐氏

吳紹妻章氏

國朝

周子儀妻徐氏

題旌冊年二十五夫亡事孀姑以孝聞雍正三年具題奉

旨建坊旌表

毛弘柱妻周氏

題旌冊年少夫亡守節至八十一而卒

徐文炆妻毛氏

題旌冊年二十一文炆亡守節至七十一而卒以上二氏俱雍正六年

旨建坊旌表
具題奉

毛大鶴妻王氏

題旌冊年十七歸大鶴甫一年而大鶴卒遺娠五月生女乃撫幼姪為嗣

皆有成立姑兩目俱瞽氏扶持左右親調湯藥者十八年守節三十二年卒雍正十年具題奉

旨建坊旌表

表

毛柱妻胡氏

衢州府志年二十七夫亡家極貧事姑盡孝姑病革囑曰吾以幼子楷累若姑

卒殯葬如禮後楷成立氏之力也順治初寇亂氏子被獲將刃之或云此節婦子不可殺郡守袁國

梓旌
之

林士鼎妻毛氏

衢州府志名遜娘甲寅閏賊陷江山氏姑令士鼎先行而自同遜娘走至

城隅與姑相失因涕泣覓姑不可得會日暮至陳村宿焉時同行諸婦皆已卧氏獨不寐曰吾夫既他去姑存亡不可知吾何用生為遂自經死明日士鼎至藁葬之陳村感其義終身不娶

吳三讓妻周氏

毛蒼吳烈婦傳名亥貞周子儀女年二十三嫁吳逾年生女三讓病將殆

謂曰吾誤汝吾死期年汝即可他適對曰妾當隨君後耳三讓死氏號慟欲殉姑及婦姒謹伺之七日饋食於柩前既畢乃入室自縊死時康熙丙子十二月也年二十六

王文焜妻鄭氏

江山縣志年二十四夫亡子甫一週撫長娶婦鄭氏得孫一週而子亦亡

姑婦孀居苦志四十
餘年先後全節而終

陸世久妻王氏

衢州府志年二十生子夫即世夫有
堂兄弟三艷其財欲奪而嫁之誓死

抵拒撫孤子產孫四曾
孫數十人年八十餘

劉秉珪妻毛氏

夏國光妻周氏

毛希哲妻王氏

周三桂妻詹氏

王廷銓妻毛氏

王用光妻毛氏

毛起蛟妻徐氏

徐代妻王氏

柴國佩妻鄭氏

徐時椿妻余氏

蔣肇基妻王氏

王佐龍妻鄭氏

胡見彥妻姜氏

王極妻毛氏

徐鳴喈妻王氏

胡進吉妻周氏

開化縣

明

潘仲岳妻程氏

嘉靖浙江通志永樂間仲岳戍遼東程氏送之行解戍者見其色美戲之

氏怒解戍者遂以軍政挾與偕行法不能阻仲岳與氏計恐在途遭辱氏曰妾自為計君勿憂也給以整裝故還家自經死

徐泗妻汪氏

楊守陳徐節婦傳汪泰亨女名妙善年十八歸泗踰年生子德昇甫三月泗病

亟語之曰吾旦夕且死汝年少將不能自持吾老父嬰子孰顧耶氏泣齧一指血淋漓以誓曰妾二

天者有如日始其舅老制於悍妻季氏不禮其姑盡收其貲用去而別居姑以憂忿卒至是泗又卒室如懸罄單居無僕婢躬操井臼晝夜紉縫以為活季欲撓其節屢毀挫之不為動舅卒季不顧汪氏殯葬盡禮後季卒其壻女不顧氏復殯葬之德昇間不率輒痛責卒以善聞於鄉既老家日豐裕年七十

五卒

時文璧妻魏氏

續文獻通考年二十二而夫亡子嵩尚在襁褓氏育幼養姑誓不再適年

七十餘志節如一吳紳陳敬宗皆以詩美之

江仕美妻余氏

弘治衢州府志名智奴年十九適江甫半載夫亡勵志守節年七十餘卒

余熙昂妻汪氏

衢州府志成化丙戌山寇竊發里有惡少年數十輩乘機掠熙昂財物因

而戕之氏年二十有遺腹恐不能保潛匿外祖家生子聯明教養備至且日夜悲泣以復父仇為訓聯明年十三即索父仇訟於諸司置於法副使方師道以為節孝雙全云

江瑞英

嘉靖衢州府志江德之女有殊色正德八年饒寇破馬金營瑞英從母匿白馬巖下寇獲

之欲殺母瑞英解耳環首飾遺母買命母去瑞英投巖而死時年十八

徐悅妻方氏

衢州府志名大姑饒寇作亂悅與大姑各負一兒匿塢間大姑先遇賊賊殺其

所負兒且挾大姑去悅至賊又將殺之大姑曰釋二命吾則從汝因目悅悅負兒去大姑隨賊行度去已遠因拔賊佩刀自剄賊怒奪刀斬之方豪為之傳

葉天赦妻張氏

開化縣志名瓊奴遇饒寇欲犯之抱子投河而死

程迪妻劉氏

嘉靖衢州府志年十七夫亡父欲其再嫁氏斷指為誓守節七十五年

程氏菊英

屠隆程烈女傳許字里人張氏子青陽富人兒徐生者慕氏色求婚其父拒之曰吾

女已許張氏義不可易徐百計圖之不能得賂鄉大夫之有權力者言於督府檄下郡縣發卒圍程氏時氏父死矣繫氏母若兄而劫氏將婚於官母且行且泣氏盥櫛罷更衣盡縫其相衣而外束以帶甚固懷短刀焉呼其嫂曰妾不忍偷一朝之生以貽萬世羞家有老親幸善事之嫂涕泣不能仰視遂行氏兄赴縣縣官刑之慘毒備至氏行至半途就輿中以帶自縊而死少時天地晝晦風沙障人如傷烈女冤者伍伯趨白縣官官大悔命歸而葬之

徐續妻金氏

衢州府志續卒氏年二十四家貧父母諷之嫁不從守節四十餘年卒

方維憲妻汪氏

衢州府志年十六生子不數月夫亡既除服姑遣之嫁氏泣誓以撫孤自

任守節四

十餘年

虞鑑妻汪氏

衢州府志年二十二夫亡二子幼家貧或勸之嫁輒叱拒之鄉里賢其節

徐洪妻王氏

崇禎衢州府志洪繼娶劉氏生子公迎劉性嚴待氏不以禮後劉疾革而託公

迎於氏未踰月氏自生子泣曰吾業已許孺人矣因不育已子而子公迎未幾洪卒氏年二十四撫

育公迎既長有室矣而狄氏哀痛成疾而卒

方懷珍妻余氏

衢州府志年二十夫亡遺孤甫週氏勵志守節姑惑星家之說諷之嫁氏

慟哭幾絕家貧訓子里人悲其遇而高其節

金惟義妻方氏

衢州府志名良蕙年二十夫亡或勸之曰而家徒四壁姑老子幼奈何氏

曰貧病在天姑孤在我惟力是視何言為於是訓子養姑凡十有六年而孤立年八十四終

程淳妻方氏

衢州府志年二十三夫亡氏奉姑同處一室家貧孝養隣失火姑墮樓傷足氏

事之益謹卧起必負姑於背姑竟愈隣里舉其孝

蔣應弘妾夏氏

開化縣志年十六適應弘十七生承敬週歲夫亡與正室徐氏矢志雙守

歷四十年如一日

吾天示妻汪氏

開化縣志天示與兄天行同病卒時氏年纔二十遺孤週歲汪與姆宋矢

節撫孤姑性嚴二妾曲意事之備歷艱苦人無間言

汪宗堯妻程氏

開化縣志年十六歸汪未百日夫亡剪髮絕食求死姑百端勸諭之乃絕

烟火僅飲水嚼藥以延餘生事姑未嘗少離形骸骨立年五十卒

夏氏一芳

開化縣志吾士通幼孤母為娶氏年俱十四未合卷也夫病篤姑令氏手一茶與訣

而卒女持服甚哀里中有謀娶者女聞日夜泣不食未幾骨削如柴卧床不起姑以藥投不受曰活我何為一日起拜姑曰吾今可以見夫矣連呼其夫而絕

吾惟守妻方氏

衢州府志年二十一夫亡有勒之嫁者氏截髮見志守節四十年

鄭應選妻葉氏

衢州府志名春緋明末避亂山中為兵所執脇之行氏義不受辱遂遇害

胡致禧妻吳氏

衢州府志名多姑避亂豐源樓上兵驟入氏知不免遂以幼兒付其夫而

自墜樓
以死

張國翰妻鄭氏

衢州府志避亂與娣姒十餘人走匿
谷巖中為邏卒所得氏磨笄自刺血

流如注因以血塗諸婦面
而自赴池死同匿者獲免

魏良策妻徐氏

吾天倫妻胡氏

江鏞妻金氏

劉璇妻汪氏

余鈍妻江氏

夏衍妻方氏

胡鏞妻徐氏

施佩妻胡氏

施孔立妻吾氏

魏國衡妻徐氏

國朝

孫文輝妻程氏

題旌冊年二十四夫亡矢志撫孤值甲寅閏變奉姑匿山谷間家貲盡為

賊掠遂挈家遷武林子早卒撫兩孫長孫又不祿三世撫孤

汪光彩妻余氏

題旌冊年二十九夫亡家貧事姑至孝撫子及孫成立守節三十餘年

旨建坊旌表
以上二氏俱雍正三年具題奉

胡貞女

題旌冊胡肯堂女邑人方嚴肅喪偶聞女賢聘為繼室未婚嚴肅卒訃至即截髮毀容誓

不更適舅姑迎之歸撫前室子彪如已出事舅姑孝養備至守貞三十年雍正十三年具題候旌

黃貞女

開化縣志父德初農業賣酒女生八歲許余生為媳年十四夫以痘殤寄衣為訣氏著衣

大慟時父方他出母往確春米乃攜幼弟付母訃以凶問歸而攬結衣裳寸寸密縫沒於河屍流數

里仍逆流而
上止其家門

汪氏二節

開化縣志汪二蛟母徐氏婦戴氏康熙甲寅夏閩賊破常山未幾開化陷二蛟挈家

匿城東十里許賊至縛二蛟驅其母妻以行抵大澤戴忽厲聲曰得死所矣徐應聲曰待我賊急持戴袖袖絕遂沉於水而徐亦一躍而下二蛟大呼縛索盡絕亦赴水死

楊有華妻葉氏

衢州府志名月娥年十八而有華卒守節二十餘年甲寅夏為賊所獲氏

拔簪自刺未殞過溪橋赴水死知縣崔華旌其門曰節烈名其橋曰節婦云又魯氏劉大通妻賊獲魯氏其父亦被執賊斬之氏奪刀十指俱墮罵賊而死

劉起雨妻徐氏

開化縣志甲寅賊破粟江被掠至桃林壩氏懷抱一子方四月手攜一子

大煥甫六歲行至半橋帶子躡身入水幼子與氏俱殞大煥抱母項沉浮忽為浪泊至岸得甦又余文教妻劉氏抱子偕里婦避山谷中賊搜山氏見走者被曳不堪遂隨賊行至桃林渡躍入深水死余大英妻徐氏名丹桂年二十聞子女多被擄度不能逃暗藏利刃賊獲之大罵自刎三日容如生

洪氏二烈

開化縣志獨山農洪大偉妻余氏媳徐氏徐氏名芳年二十三閩寇起徐聞婦人有

辱於賊者心竊耻之次年郭寇再犯開化徐氏與姑避難山中賊搜得之婦觸石破額血流被面賊知不可活手刃之姑見媳亡且哭且罵亦觸死於婦之旁

鄭起煩妻余氏

舊浙江通志名愛娥年十六歸起煩歲餘而起煩卒誓以身殉母泣諭之

乃止乙卯賊朱敬欲強娶之氏曰須三日後乃可詰朝粧罷更著新衣徧禮舅姑娣姒畧無戚容舅

姑以為疑夜令娣同卧比曙氏促娣曰可早起晨炊恐賊昇至耳娣出閤戶投環而絕時年二十三賊露屍二十餘日顏色不變如平時

劉章壽妻徐氏

衢州府志劉光漢之子婦光漢罵賊不屈以義烈聞丙辰三月城再陷氏

年十九賊欲逼為婦不屈置氏於樓上令兩卒守之氏佯謂卒曰幸語若主必成禮乃可守者以告賊喜盛服佩刀而上氏改容迎之為解所佩刀置案上佯笑曰何不為我具衣飾來賊欣然下氏引刀自刺守者奪之氏斷其右臂遂自剄死賊忿甚五截其尸而去又詹氏夏祈禎妻遭掠驅之過隘即奮入深溪死時年二十六蔣氏名如娣汪日炯妻歸甫期聞賊至近村即閉門自經死

徐國壕妻李氏

開化縣志名文姬國壕卒以有遺腹冀延一脉閱六月而孤產悉心撫育

至七歲孤又夭遂潛往厝內自縊而卒

余宜詮妻徐氏

開化縣志宜詮卒矢以死殉舅姑疑有遺孕慰諭再四強延三月自知非

孕遂絕粒七日而卒

胡雲上妻夏氏

開化縣志年二十歸雲上五載夫卒絕粒十餘日將卒倩小姑扶起櫛沐

謝太姑翁姑及夫靈畢就寢長號嘔血數升而絕

江大敦妻方氏

開化縣志年十九歸江甫兩載夫卒矢以死殉恐以疊喪傷舅姑心苟延

殘喘既虞遂絕粒八日而逝

徐元那妻王氏

開化縣志年二十而寡舅姑早喪且無嗣依叔姑以居三年叔姑之子以

皂隸私用里下錢恐事敗潛謀鬻氏以償密定約受金及期娶者臨門乃白氏色喜且感謝曰婦笥中舊服今將他適幸檢付我旋取水入室閉門澡浴若將易新粧者久之寂然推戶入已縊死矣衣裳自履屬肩皆重針密線纏連遍體有片紙露懷中取閱之蓋與其夫所訂同穴誓也

余廷魯妻胡氏

開化縣志歸甫四月廷魯病氏奉湯藥晝夜不離於側及病革矢以死從母姑百端勸諭且防閑甚密迨廷魯將殯喪事倥偬乘間自縊時年十九

施世健妻方氏

宋逢標妻李氏

程天春妻江氏

方作礪妻徐氏

金良梧妻徐氏

方廷霖妻鄭氏

徐元霽妻方氏

余宜復妻胡氏

鄭子堅妻汪氏

鄭雲弘妻汪氏

鄭瑞應妻余氏


魏世昭妻夏氏

江大敏妻方氏

江曰騶妻詹氏

鄭光景妻程氏

徐可佑妻葉氏



浙江通志卷二百十三